

Naqqiut

Siunnersuut 27. juuni 2018-meersoq taarserpaa
(*Kalaallisut siunnersuummi oqaasertanik iluarsiiisoqarpoq*)

Siunnersuummut nassuiaatit

Nassuiaatit nalinginnaasut**1. Aallaqqaasiut**

Kalaallit Nunaata nukissiuutinik pilersorneqarnerani nukissiuutinik ataavartussanut atuinerup allanngortikkaartaarnerani erngup nukinga qitiuvoq. Kalaallit Nunaanni erngup nukinganik nukissiorsinnaanerup annertusarneqarnissaa Kalaallit Nunaanni inuiaqatigiinnut aningaasaqarnerup annertusineqarnissaata piujuarsinnaasumillu ineriartornerup ataqatigiissaarnissaannut pingaarluinnartuuvoq.

Kalaallit Nunaanni erngup nukinganik nukissiuuteqarsinnaanerup ilippanaateqarnera sersersuarmit erngup aanneranut aamma siallertarnerata/apisarnerata annertussusaannut attuumassuteqarluinnarpoq. Taamaattumik nunarsuaq tamakkerlugu silaannaap allanngornera massakut pisoq toqqaannartumik aningaasaqarnikkut malitseqassaaq taamalu siunissami nukissiuutinik pilersuinermit periusissiap ilusilerneqarnissaanut sunniuteqassalluni. Kalaallit Nunaanni erngup nukingata annertusarneqarsinnaaneranut periarfissaq aalajangiinissamut naammattumik tunngaviusussaq minnerpaamik tassaasariaqarpoq silaannaap pissusaata maannangaaq allanngoreernerata sunniutaata nalilernerana. Tamatumunnga atugassamik Naalakkersuisut GEUS qinnuigisimavaat Kalaallit Nunaanni erngup nukinganik isumalluutit sersersuarmit kuunneq nunamilu sersersuarmit qallerneqarsimangitsumi sialuup aputillu pilersitaanik kuunneq misissorlugu missingerlugu nalunaarsoqqullugu. Erngup nukinganik isumalluutit avinneqarput siullermik suliffissuaqarnikkut ilippanaateqarnera sersersuarmit qanoq annertutigisumik kuuttoqarnera apeqqutaatillugu aappasaanillu illoqarfinnut qanittuni akulikitsumik nunami sersersuup qallersimangisaani siallernerana apineralu apeqqutaatillugit kuuttoqarnerup piukkunnaateqarnera. Siunnersuummi siunertarineqarpoq misissueqqaarnermut atuinerumillu akuersissummik tunniussinermi piumasaaqatit allanngortinneqarnissaat, taamaalillunilu erngup nukinganik isumalluutit imermillu tigusinissamik pisariaqartitsinerup assigiinngissinnaaneri piareersimaffigineqassammata erngup nukinganik suliniutit ataasiakkaat immikkut nalilerneqarnerat, qanoq annertutigisumik naammassisaqarsinnaanerat aamma nunap ilaani pineqartumi erngup isumalluutigineqartup qanoq annertutiginerana eqqarsaatigalugit.

Inatsisit atuuttut misilittagaqarfiginerisigut erngup nukinganik isumalluutinik nukissiornermut atugassat pillugit Inatsisartut inatsisaanni (erngup nukinga pillugu inatsit) nr. 11, 8. juni 2014-imeersumi atuuttumi arlalinnik naleqqutinngitsoqartoq. Tamanna ilaatigut misissueqqaarnermik suliaqarnerit annikinnerisigut erserpoq. Taamaallaat erngup nukinga pillugu inatsit naapertorlugu misissueqqaarnissamut ataasiinnarmik akuersissuteqartoqarsimavoq. Akuersissut 2017-imi atortussiassanut suliniuteqarnermut atatillugu tunniunneqarpoq.

Kalaallit Nunaanni erngup nukinganik piukkunnartutut piviusunngortinneqarsinnaasut annerpaartaat nunami Nuup Maniitsullu akornanniittumi inissisimasoq Alcoa aluminiumimik aatsitsivimmik suliniutaanut atatillugu suliniummut tassunga immikkoortinneqarpoq. Imaassinnaavoq tamanna peqqutaasoq allat niuernikkut erngup nukinganik ilippanaateqartut atorneqarnissaanut periarfissanik soqutiginninnermik takutitsisimanninnerannut. Alcoa isumaqatigiinniaqatigereerlugu isumaqatigiissutitigut nunap ilaani tassani allat misissueqqaarnissamut atuinissamullu akuersissutinik tunineqarsinnaanernut killilersuutaasut atorunnaarsinneqarput. Ilutigalugulu paasisutissat Alcoa suliniutaanut atatillugu katersat paasisutissat katersornerinut aningaasartuutit akileeqqaarluni pissarsiarineqarsinnaalersimapput.

Erngup nukinga pillugu inatsisip pingaarnertut malittarisassaraa misissueqqaarnissamut akuersinerup aamma atuinissamut akuersinerup ataatsikkut tunniunneqarnissaat. Tamatumani anguniarneqarpoq misissueqqaarnissamut akuersissummik pigisaqartoq atuinissamut akuerineqarnissaminut qulakkeerneqassasoq erngup nukinganik isumalluutip niuernikkut akilersinnaasumik tunngaveqarluni atorneqarsinnaanera misissueqqaarnerup takutippagu. Taamatut tunngaveqarneq isigineqarpoq nunanit tamalaanit aningaasaliisartut siumungaaq erngup nukingata isumalluutaasup atornissaanut qulakkeersimaguniuk pilerisutsilernissaannut pingaaruteqarluinnartut. Taamatut tunngaveqarneq aatsitassaqaarneq pillugu sammisaqarfimmit ingerlateqqitaavoq, kisianni Inatsisartut inatsisaannik misilittagaqarnerup takutippaa erngup nukinganik sammisaqarfimmi kisermaassilluni misissueqqaarnissamut akuersissummik tunniussineq atuinissamullu akuersissummik tunniussineq ataqatigiinngitsut. Taamatut ataqatigiinngitsoqarnera tunngavilerneqarsinnaavoq nunap immikkoortuata ilaani pineqartumi erngup nukinganik nukissiorfilimmi imeqarfiup isorartussutsimigut annertoorujussuusinnaanera imaannani soorlu aatsitassaqaarfimmi niuernikkut imminut akilersinnaasumik atorneqarsinnaasumik atuinissaq assigalugu nunap ilaanut erseqqissumik killilerneqarsinnaasoq.

Erngup nukinga pillugu inatsit aatsitassat pillugit inatsit assigalugu isummerneramik imaattumik tunngaveqarpoq misissueqqaarnikkut erngup nukinganik isumalluut killissalernerneqarsinnaammat erseqqissumillu nassuiarneqarsinnaalluni taamalu kisermaassilluni

imeqarfimmik atuinissamut akuersissuteqarfiusinnaalluni nunap ilaani killilikkami akuersissummi erngup nukinganik atuinissamut nalunaarneqarsimasumut naleqquttumi. Imeqarfiusooq ima paasineqassaaq tassaasooq nunap ilaa imermit kuuffigineqarnermigut erngup nukinganik isumalluummik pilersitsisooq. Nunap ilaa immap ilaanit allaanerussutigalugu atorneqassaaq aammalu tatsit sermersuarlu ilanngullugit atorneqarsinnaallutik.

Erngup nukinganik tunisassiornerup ineriartornera aamma akimmisaartinneqarsimavoq akuersissummi pigisaqartoq nunap ilaani killilikkami imermik isumalluummik tamakkiisumik tigumiaqarsinnaammat atuinissamullu akuersissut ilaannakortumik tamakkiisumilluunniit piviusunngortinngitsoorlugu. Erngup nukinga pillugu inatsit naapertorlugu taama pisoqarnerani Naalakkersuisut tunngaviatigut isumalluutip pineqartup ilaanut atorneqanngitsumut akuusumut allamut atuinissamut akuersissut tunniussinnaanngilaa. Tamatuma kingunerisinnaavaa imermik isumalluut taassumaluunniit ilaa nunap ilaani akuersissuteqarfiusumi inissisimasooq annerpaamik naleqquttumik atorneqanngitsoq inuiaqatigiit aningaasaqarnerannut maangaannartitsinermik kinguneqartumik.

Taamaattumik siunnersuummi periarfissiissutigineqarpoq pisinnaatitaanermut akuersissummi pigisaqartut arlallit atuinissamut akuerineqarsinnaasut imermik isumalluutip avinneqartup atornissaanut, nunap ilaani tassani imermik isumalluut erngup nukissiorfiit ataatsimit amerlanerit imermik pilersornissaannut piukkunnaateqarpat. Taamaattumik erngup nukinganik nukissiorfiinut ataatsimit amerlanernut atuisinnaanermut akuersissutinik tunniussineq tunngaveqassaaq erngup tigusassap pisariaqartinnerata annertussusaanik, tassani erngup nukissiorfiup ataatsip pisariaqartitaa tassaalluni pisinnaasaaq malillugu annerpaamik nukissiornissamut erngup minnerpaaffissaa. Akerlianik kinguneqassaaq erngup nukinganik isumalluummik annertunerusumik atuisinnaaneq akuersissutigineqarsinnaanngimmat imermik isumalluummut tassunga paaasinnaanermut akuersissummi tunniussisoqareersimappat tassanilu tunngavigineqarluni imermik isumalluut tamakkiisooq tassunga atorneqassasooq.

Erngup nukingata nukissiornermut atorneqarnera pillugu inatsimmi aalajangersakkat ataasiakkaat naammattumik erseqqissuseqanngillat erngup nukinga pillugu inatsit aamma aatsitassat ikummatissallu pillugit inatsit naapertorlugit oqartussat aamma qinnuteqartut/pisinnaatitsissummi pigisaqartut akornini nalornilinnnginnissaaq qulakkiissallugu. Akuersissutinik tunniussinermi inatsisitigut ersernerluttoqarnera qinnuteqartut/pisinnaatitsissummi pigisaqartut akornini saqitsaattoqarsinnaanerannik tunngaveqartitsisinnavoq. Erngup nukinga pillugu inatsisip atuuffianut ilaapput suliat akisussaaffeqarnermut aningaasaqarnermullu annertuumik akuliunneqarsinnaanerminnut ilippaateqartut.

Taamaattumik Aatsitassat pillugit ingerlatallu tamatumunnga pingaarutillit pillugit Inatsisartut

inatsisaata allanngortinneqarnera pillugu Inatsisartut inatsisaannut (aatsitassanut ikummatissanullu inatsimmut) siunnersuummut matumunnga ilutigitillugu Naalakkersuisut saqqummiussaqrput, taamaalillutik aatsitassanut ikummatissanullu inatsimmit erngup nukinganik nukissiorneq pillugu aalajangersagaareersut atuukkunnaartitaallutik.

2. Siunnersuummi immikkoortut pingaernerit

2.1 inatsisit atuuttut

Suliassaqrarfimmi inatsit atuuttoq tassaavoq Erngup nukingata nukissiornermut atorneqartarnera pillugu Inatsisartut inatsisaat nr. 11 8. juni 2014-imeersoq (erngup nukinga pillugu inatsit). Inatsisartut inatsisaata atuuttup atuutilersinnginnerani erngup nukingata atorneqartarnera Erngup nukingata nukissiornermut atorneqartarnera pillugu Inatsisartut inatsisaanni nr. 12 1. december 2009-meersumi malittarisassaliuunneqarpoq, taassumalu taarserpaa Nukissanik pilersuineq pillugu Inatsisartut peqqussutaat nr. 14 6. november 1997-imeersoq. Nukissanik pilersuineq pillugu Inatsisartut peqqussutaanni erngup nukinganik innaallagissiuutit pillugit aalajangersakkat sulii erngup nukinganik isumalluutitut minnerusunut atuupput.

Aatsitassat il. il. pillugit Kalaallit Nunaanni erngup nukinga pillugu inatsit taamani atuuttoq tunngavigalugu erngup nukingata nukissiornermut atorneqartarneranut akuersissummik 1-imik tunniussisoqarpoq. Tassani pineqarpoq Utoqqarmiut Kangerluarsunnguanni erngup nukinganik nukissiorfik 1993-imi atulersinneqartoq 2008-milu 45 MW-inut allineqartoq. Nukissanik pilersuineq pillugu Inatsisartut peqqussutaat tunngavigalugu akuersissutit 4-t tunniunneqarput. Tassani pineqarput Tasiilaq, Qaqortoq-Narsaq (Qorlortorsuaq), Sisimiut aamma Ilulissat. Erngup nukinganik nukissiorfiit taakku tamarmik Nukissiorfinnit ingerlanneqarput Utoqqarmiut Kangerluarsunnguanni erngup nukinganik nukissiorfillu eqqaassanngikkaanni Nukissiorfiit sanaartortitsisoralugit suliarineqarput. 2017-imi erngup nukinga pillugu inatsit tunngavigalugu misissueqqaarnissamut akuersissut 1 tunniunneqarpoq.

Maniitsup eqqaani aluminiumimik aatsitsivissamut atugassamik erngup nukinganik nukissiorfimmik nukissamik pilersuisussamik pilersitsiniarnermi Alcoa Inc.-imik isumaqatigiinniarnermi sinaakkutaasumik piumasaqaatinik aalajangiinissamut siunnersuummi UKA2012/113-imi Inatsisartut aalajangiippat. Aalajangiinissamut siunnersuut malissinnaajumallugu erngup nukinga pillugu inatsisiliornermi allannguutit arlallit pilersinneqarput erngup nukinganik isumalluutit nukissiornermut atuinissamut Inatsisartut inatsisaata akuerineqarneratigut.

Taamaattumik erngup nukinganut isumalluummut aalajangersimasumut nunap ilaanut atasumut killiligaasumut misissueqqaarnissamut akuersissut aamma atuinissamut akuersissut erseqqinnerusumik piumasaqarfiusoq tunniunneqassaaq. Misissueqqaarnissamut aamma

atuinissamut akuersissutit ataatsimut isigalugu nunap ilaani pineqartuni kisermaassilluni misissueqqaarnissamut atuinissamullu tunniunneqartarput.

Erngup nukinganik isumalluummut nunap ilaani pisinnaatitaanermik kisermaassilluni misissueqqaarnissamut imaluunniit atuinissamut akuersissut Naalakkersuisut tigumiaqartumut tunniuppasuk, kisermaassisuunerup ataatsimut isigalugu kingunerissavaa isumalluummut pineqartumut misissueqqaarnissamut imaluunniit atuinissamut akuersissut allamut aamma tunniunneqarsinnaanngimmat.

Erngup nukinga pillugu inatsit tunngavigalugu oqartussaasut suliarinninnerat oqartussaasumut 1-imik saaffiginnissinnaanermik tunngaveqarpoq. Qinnuteqartut oqartussamut taamaallaat ataatsimut saaffiginnissinnaapput, kingornatigullu oqartussaq taanna oqartussatigut sullissinermik tamakkiisumik ataqatigiissaarisuusaaq, taassuma ataani nunaminertanik misissueqqaarnermi imaluunniit atuinermi atorfissaqartinneqarsinnaasunik kiisalu avatangiisit pillugit oqartussaasumi avatangiisit pillugit akuersissuteqarnermi tunniussinermi akuersinermut atatillugu kommunini oqartussaasunik ataqatigiissaarineq.

Aatsitassanik atuinermut atatillugu erngup nukinganik isumalluutinik misissueqqaarnissamut atuinissamullu qinnuteqaatit uani ilaatinneqanngillat. Aatsitassat pillugit inatsimmi piumasarineqarpoq aatsitassanik sammisaqarfimmi oqartussaasuni sulianik ingerlatsineq ataatsimoortumik ataqatigiissaakkamik ingerlanneqassasoq, tassanilu pingaartumik avatangiisinut, teknikimut, isumannaallisaanermut aamma isumalluutinut tunngasut eqqarsaatigineri ataatsimut ilanngunneqassapput. Erngup nukinga pillugu inatsit naapertorlugu erngup nukinganik isumalluut nammineq eqqarsaatigalugu tassunga qinnuteqaat suliarineqassaaq, suliallu sinnera aatsitassat pillugit inatsit naapertorlugu oqartussaasunit ingerlanneqassalluni.

Siunnersuut

2.1.1 Atuuffissaa

Erngup nukinga pillugu inatsit erngup nukinganik ilippanartunut nukissiornermut atorneqarsinnaasunut tamanut nukissiassap qanoq annertutigisinnaanera aamma nukissiornissamut pisinnaasap qanoq annertutiginera apeqqutaatinnagu atuutissaaq. Erngup nukinga pillugu inatsimmut naleqqiullugu tamanna allannguutaavoq tassanimi atuuffissaa erngup nukinganik isumalluutip nukissiornissamut qanoq ilippanartiginera tunngavigalugu aalajangerneqartussaamat. Allannguutip kingunerissavaa erngup nukinganik ilippanartut tamarmik inatsimmut ilaatinneqassammata.

2.1.2 Aatsitassat pillugit inatsit

Siunnersuut malillugu erngup nukinga pillugu inatsimmi § 4, imm. 2, atorunnaarpoq

taassumalu kingorna erngup nukinganik sulinerit aatsitassat pillugit inatsit tunngavigalugu atuinissamut suliniutitut taaneqarsinnaasut aallartinneqarsinnaanngillat aatsitassat pillugit oqartussaasunit aatsitassat pillugit inatsisimmi eqqarsaatigineqartussaataasut tunngavigalugit akuerineqanngikkunik.

Erngup nukinganik suliniuteqarneq atuinermik suliniutitut isigineqarsinnaassappat aatsitassat pillugit inatsimmi § 11, imm. 2 naapertorlugu kingunerissavaa nukissiorneq sapinngisamik annertunerpaamik atorineqassasoq aatsitassanik atortussianit pisunik atuinermut atatillugu.

Aatsitassat pillugit inatsimmi § 29, imm. 2-mi, atuinissamut akuersissummik tunniussinermut piunarsaataasooq pisinnaatitaanermut tigumminnittup niuernikkut akilersinnaasumik peqarnera nunallu aalajangersimasup iluani sumiiffiata killingi uppersarsissagai. Piunarsaqaat taanna naammassineqassappat pisinnaatitaanermut tigumminnittup imminut akilersinnaanermik misissuinerimi takussutissatut uppersarsassavaa suliniut aningaaserivimmiit aningaasaliiffigineqarsinnaasooq. Pisarneq malillugu nassaarfiusup ilimanaatilimmik niuernikkut akilersinnaasumik piffissami aalajangikkami atorineqarsinnaaneranik ujarassiornikkut uppersarsaammik takussutissiisoqassaaq aamma avataaniit aningaaserivimmit atukkanik naafferartumik akiliisarnerup sivisussusissaanik aalajangiinermi ilaatinneqartussamik. Erngup nukinganik nukissiorfik ileqqut malillugit pilersaarusiortartarpoq ukiut 50 sinnerlugit atasussatut. Erngup nukinganik nukissiorfiup sanaartorneranut atatillugu aningaasartuutissat annertoqisut eqqarsaatigalugit pisut takutippaat aatsitassat pillugit inatsit naapertorlugu malittarisassatigut taamatut ataqatigiissaarineq ajornakusoortuusoq naleqquttuunanilu. Pingaartumik tamatumunnga pissutaavoq aatsitassatigut suliniutit erngullu nukinganik suliniutit akornini aningaasaliinissamut piunarsaqaatit assigiinnginneri.

Erngup nukinga pillugu inatsimmi § 4, imm. 2-mi, aamma § 11, imm. 2-mi aalajangersakkat nassataraat naleqqutinngitsumik oqartussaasunit marloriaammik suliarinninnikkut ingerlatsineq pisarneq malillugu periaatsimik tunngavilerneqarsinnaanngitsoq. Siunnersuummi aatsitassanik atortussianit pisunik atuinissamut akuersissutip oqartussaasunit suliarineqarneratigut ingerlatsineq erngup nukinganik atuinermut akuersissutip suliarineqarneratigut ingerlatsinermi avissaartillugu ingerlanneqassaaq, naak erngup nukinganik nukissiorfimmit innaallagiaq aatsitassarsiorfimmi atugassaagaluarpuunniit.

Aatsitassarsiorfimmu innaallagissamik pilersuinissamut erngup nukinganik atuinermiit pisinnaassaaq erngup nukinganik suliffeqarfiup aatsitassarsiorlunilu suliffeqarfiup isumaqatigiissuteqarnerisigut. Tamatuma kingunerisaanik siunnersuut malillugu erngup nukinga pillugu inatsimmi § 8, imm. 2-mi ”pilersuinerimi aqqusersuutit” atuinissamut akuersissummik tigumiaqartumit pigineqarnissaannut piunarsarineqartoq atorunnaassaaq.

Tamannalu pisisartunut angisuunut allanut soorlu innaallagissamik pilersuisunut nalinginnaasunut pingaaruteqassaaq inaallagissap nukinga erngup nukinganik nukissiorfiup transformatoreqarfiannit tiguneqarsinnaassamat naatsorsorneqarlunilu imaalillugu pilersuinermi aqqusersuutit nukissiorfimmit nukissiummik nassiussuisut erngup nukinganik suliffeqarfik isumaqatigiissuteqarfigalugu nukissamik tigooraasumit sanaartorneqassasut.

2.1.3 Eqqissisimatitsisarneq aamma allatigut kulturikkut eriagisassanik kulturikkut kingornussatut illersuineq pillugu Inatsisartut Inatsisaat nr. 11, 19. maj 2010-meersoq (kulturikkut eriagisassat pillugit inatsit)

Tigussaasumik pilersaarusiornermut atatillugu aammalu assaanissamut piareersarnermut atasumik qanganitsat eriagisassat imaaliallaannarlugit peerneqarsinnaanngitsut aamma assaanerup nalaani qanganitsat eriagisassat imaaliallaannarlugit peerneqarsinnaanngitsut nassaarineqartut isumannaarneqarneri pillugit malittarisassaqqarpoq. Erngup nukinganik nukissiorfimmit pilersitsineq assaanertut isigineqarmat malittarisassat taakku aamma malinneqassapput erngup nukinganik nukissiorfiup pilersaarusiorneqarnerani pilersinneqarneranilu. Qanganitsat eriagisassat imaaliallaannarlugit peerneqarsinnaanngitsut erngup nukinganik atuinissamut akuersissutinik suliarinninnermi Nunatta Katersugaasivia Allagaateqarfialu ilanngutitinneqassapput.

Nunap ilaata qanganisarsiornikkut naliliivigineqarnissaanik misissorneqarnissaanillu Inatsisartut inatsisaat malittarisassanik imaqqarpoq, aammalu qanoq ilisoqarneratigut Nunatta Katersugaasivia Allagaateqarfialu nammineerlutik naliliisinnaanissamut, imaluunniit misissuisinnaanissamut, aallarniissallutik aalajangersinnaanersut. Tassunga atatillugu taamatut naliliinermi misissuinermilu piffissamik killiussat pillugit nangittumik malittarisassaqqarpoq. Kiisalu kikkut aningaasartuutinik matussusiissanersut aamma malittarisassatigut aalajangerneqarput. Tamatuma saniatigut assaanermi qanganitsamik eriagisassamik imaaliallaannaq peerneqarsinnaanngitsunik nassaarnermi nalunaarutiginninnissamut pisussaataaneq aamma suliap qanganitsamik eriagisassamik imaaliallaannarlugu peerneqarsinnaanngitsumik attuinera naapertorlugu unitsinneqarnissaanut aalajangersagaq atuuppoq.

2.2.3 Kisermaassinani misissueqqaarnissamut akuersissummik tunniussineq.

Siunnersuut malillugu kisermaassinani misissueqqaarnissamut akuersissut tunniunneqassaaq takuuk. siunnersuummi § 4, imm. 2. Misissueqqaarnissamut akuersissummi piffissaritinneqartoq ukiunut 5-inut nalunaarutigineqassaaq qinnuteqarnikkullu ukiunik 5-inik sivitsorneqarsinnaalluni. Misissueqqaarnissamut akuersissut siunnersuut malillugu annerpaamik ukiut 10-t atuussinnaavoq. Tamatuma kingorna misissueqqaarnissamut akuersissummut nutaamut qinnuteqartoqarsinnaassaaq. Piffissamik killigititaasoq aalajangerneqarpoq qularnaarniarlugu paasissutissat katersorneqartut killeqanngitsumik

allanut takoqqussaanninnissaannut ilaatinneqannginnerat ilutigalugulu, kisianni naammattumik sivisussusilimmik allanut takoqqussaanninnissaannut ilaatinneqarnerata kingunerisaanik misissueqqaarnerit paasissutissallu katersorneqartut niuernikkut immikkut akilersinnaasumik ingerlanneqarsinnaalissallutik. Inuiaqatigiit soqutigisaraat misissueqqaarnerit imermillu isumalluutinik ilisimasaqarneq sapinngisamik annertuumik siuarsarneqarnissaat tamannalu pitsaanerpaamik pisinnaavoq paasissutissat misissuinermilu inernerit suliffissuaqarnermut inuinnarnullu tamanut piffissap naleqquttup iluani takuneqarsinnaasunngortinnerisigut. Kisermaassinani misissueqqaarnissamut akuersissutip nassataraa nunap ilaani aalajangersimasumi misissueqqaarnermik suliat pisinnaatitaaffimmik pigisaqartup ataasiinnaap misissueqqaarnermik suliaqarneranik killilerneqassanngimmata.

2.2.4 Atuinissamut akuersissummik nalunaaruteqarneq

Siunnersuut naapertorlugu atuinissamut akuersissummik pissarsinissamut piunasaqaataajunnaarpoq misissueqqaarnissamut akuersissummik pigisaqareerneramik tunngaveqarneq.

Pisinnaatitaaffimmik pigisaqartup atuinissamut akuersissummik nalunaarfigineqarnerminiit atuinissamut suliniutit annerpaamik ukiut 5-it qaangiutsinnagit aallartinngippagit akuersissut ingerlaannartumik atorunnaassaaq. Ukiunik 5-inik killiliussaasoq tassaavoq killiliussavik sivitsorneqarsinnaanngitsoq. Kisermaassilluni imermik isumalluummik nunap ilaani aalajangersimasumi atuinissamut akuersissummik pisinnaatitaanermut tiggumminnittumut Naalackersuisut nalunaarutigisimappassuk aaqjissuussineq atuuttoq naapertorlugu ataatsimut isigalugu kisermaassilluni pisinnaatitaanerup kingunerissavaa suliamut akuusup allap isumalluutip pineqartup atornissaanut akuersissummik Naalackersuisut tunniussaqaarsinnaannginnerat.

Erngup nukinga pillugu inatsimmik ulluinnarnilu atorineqarneranik misilittakkat takutippaat kisermaassilluni atuinissamut akuersissutinik nalunaaruteqarnerup Kalaallit Nunaanni erngup nukinganik isumalluutinik atuinissap aallartinneqarnissaa ataatsimut isigalugu kinguartissinnaagaa killiliiffigalugulu. Taamaattoqassaaq pisinnaatitaaffimmik pigisaqartup nunap ilaani aalajangersimasumi akuersissuteqarfiusumi erngup nukinganik isumalluutinik tamakkiisumik atuinissaq aallartinngippagu. Taamatut pisoqarnerani aallavittut erngup nukinga pillugu inatsit atuuttoq naapertorlugu suliamut akuusoq alla Naalackersuisut nalunaarfigisinnaanngilaat isumalluutip pineqartup sinneranik atuisinnaanissamut akuersissummik, inuiaqatigiit aningaasaqarnerannut annaasaqarnermik kinguneqartumik.

Siunnersuummi § 5-imi aalajangersakkat nassatarissavaat aallaavigalugu atuinissamut akuersissut kisermaassinertaqanngitsumik nalunaarutigineqassasoq, pissutsit immikkut ittut atuutinngippata taakkulu tunngavigalugit kisermaassilluni akuersissut

nalunaarutigineqassasoq erngup nukinganik isumalluut aalajangersimasooq nunallu ilaani aalajangersimasumik killilikkami akuersissummik nalunaaruteqarnissaq takuuk § 5, imm. 2. § 5, imm. 2-mi aalajangersagaq malillugu Naalakkersuisut pissutsit immikkut ittut atuuppata erngup nukinganik isumalluummut aalajangersimasumut nunallu ilaani aalajangersimasumik killilikkamiittumut kisermaassilluni atuinissamut akuersissut nalunaarutigineqassasoq aalajangiisinnaapput. Assersuutigalugu imaassinnaavoq pisinnaatitaaffimmik pigisaqartup atuinissamut akuersissut naapertorlugu pilersaarutaasumik suliaqarnerata nukissiorneratalu imermik ima annertutigisumik tiguisariaqalersikkaa nunap ilaanut killilikkamut akuersissummi nalunaarutigineqartumut imermik nammattumik kuuttoqarnissaa qulakkeerniarlugu kisermaassinissaq atorfissaqartikkaa.

Siunnersuummi siunertarineqarpoq qularnaarsinnaassallugu pisinnaatitaaffimmik pigisaqartoq atuinissamut akuersissuteqalernermit nunaminertamik atornagulu ”inniminniinermik” atuutissanngitsoq. Taamaalilluni atuinissamut akuersissut naapertorlugu pisinnaatitaaffimmik pigisaqartoq ataatsimut isigalugu atuinissamut suliaqarnerit piffissami akuersissuteqarfiusumi tamakkiisumi ingerlatissavai. Taamaattumik pisinnaatitaaffimmik pigisaqartoq naleqquttumik piffissaqartinneqartariaqarpoq misissuinerit attuumassutillit ingerlatissallugit aamma illuutit, atortut/nukissiorfiit atortorissaarutillu ikkussukkat allalu attuumassutillit sanaartussallugit pisinnaatitaanermik pigisaqartup akuersissuteqarnerup nassatarisaanik atuinermik aallartitsinissaminut pisussaaffilerneqannginnermini. § 6, imm. 1-imi, aalajangersagaq naapertorlugu erngup nukinganik nukissiorfiup pilersinneqarnissaanut sanaartornerup aallartinneqarnissaanut akuersissummik nalunaaruteqarnerup kingorna ukiut 3 qaangernagit piffissamik killiliisoqarsinnaavoq aamma erngup nukinganik nukissiorfik akuersissummik nalunaaruteqartoqarneranit kingusinnerpaamik ukiut 6-it qaangertinnagit atulereersimassaaq.

Taamaalilluni siunnersuut periarfissiivoq pisinnaatitaaffimmik pigisaqartut arlallit atuinissamut akuersissummik nalunaarfigineqarnissaanut erngup nukinganik isumalluummut ataatsimut atuinissamut, isumalluut pineqartoq ilippanaateqarpat. Tamatumuunakkut qulakkeerneqassaaq Kalaallit Nunaanni erngup nukinganik ilippanaateqarneq pitsaanerpaamik naleqquttumillu atorneqarsinnaassasoq, ilippanaateqarnerlu sapinngisamik maangaannartinneqassanngitsoq. Erngup nukinganik isumalluutinut ataatsimoorussassanut akuersissutit ataatsikkoortut pisariaqartilissavaat akuersissutit ataqatigiissaarneqarnissaat, soorlu aamma pigisaqartut akornini suleqatigiinnissamut erseqqinnerusumik isumaqatigiissuteqartoqarsinnaasoq sanaartornerup ingerlatsinerullu nalaani. § 13-imi aalajangersakkap ataatsimut isigalugu siunertaraa Kalaallit Nunaanni erngup nukinganik isumalluutit pitsaanerpaamik naleqqunnerpaamillu atorneqarnissaannik qularnaarinissamut ilanngussinissaq.

Aamma pilersuinermi aqqusersuutininik ruujorillu inissisimaffiinik il. il. ataatsimut

ataqatigiissaakkamik atuineq pisinnaatitaaffimmik pigisaqartunut aamma aningaasaqarnikkut iluaqutaasinnaavoq. Kiisalu inuiaqatigiit tungaanniit isigalugu pisinnaatitaanermik pigisaqartut ataatsimut ataqatigiissaakkamik atuinerat pitsaanerpaallunilu naleqqunnerpaassaaq.

Imermik isumalluummut ataatsimut atuinissamut akuersissutinik nalunaaruteqarnermi peqqissaartumik naleqquttumillu mianersornissaq piumasarineqarpoq pisinnaatitaaffimmik pigisaqartut tamarmik aamma pisuni imermik aalajangersimasumik annertussusilimmik erngup nukinganut atugassamik tiguisinnaasussanngorlugit aamma nukissiornermut atugassamik ilimagisamik annertussusilimmik atuinissamut akuersissummi ersersinneqartumik pisariaqartitaminnik imermik tiguisinnaasussanngorlugit.

2.3. Aningaasaqarnikut piumasaqaatit

2.3.1 Kalaallit Nunaanni Namminersorlutik Oqartussanut akiligassanik aamma sulianik ingerlatsinermi oqartussaasunillu allatigut suliaqarnermut aningaasartuutinut akiliisarneq Misissueqqaarnissamut atuinissamullu ilutsitut akuersissutit tunniunneqarnissaat inatsisitigut erseqqissumik tunngaviusoq siunnersuummi ingerlateqqinneqarpoq. Ilutsitut tunniussinissamut periarfissap Namminersorlutik Oqartussat periarfissippai piumasaqaatit assigiissaakkat pillugit ilusiliinissamut, taamalu qinnuteqarsinnaasussat piumasaqaatit pillugit paasissutissinneqarnissaannik.

Siunnersuummi erngup nukinga pillugu inatsimmi akuersissuteqarnermut aningaasaqarnikkut piumasaqaatit § 11, imm. 3-mi tunngaviusut nangingneqarput. Akiliutinik akiliinerit taamaallaat atuisinnaanermut akuersissutinut aalajangerneqartarput misissueqqaarnermut akuersissutinuunngitsoq.

Akiliutinik akiliinissamut piumasaqaatinik aalajangiisoqarpat akuersissummi allaqqassaaq suliffeqarfiup siumoortumik piumasaqaatit/atugassarititaasut ilisimareerniassammagit.

Siunnersummi § 10, imm. 1-p nassataraa atuinissamut akuersissummi piumasaqaatinik aalajangiisoqarsinnaammat akuersissummik pigisaqartoq Kalaallit Nunaanni Namminersorlutik Oqartussanut akiliutinik akiliisassasoq. Aalajangiinerup oqaasertai ”*akiligassanik (qanoq annertutigisumik) akiliissanersoq*” aamma aatsitassat pillugit inatsimmiiippoq, matumuunalu erseqqissarneqarpoq tassaanngimmat akileraarutinik akileeqqusineq. Aalajangersakkat malillugit akuersissutini piumasaqaatit aalajangerneqarsinnaapput pisinnaatitaanermik pigisaqartoq erngup nukinganik isumalluutip akuersissummut ilaatinneqartup qanoq annertutiginera tunngavigalugu akiligassinneqartassasoq (annertussutsimut akiliut), erngup nukinganik isumalluutinik atuineq aalajangersimasoq tunngavigalugu (atuineranut akiliutit), imaluunniit nukissiut

tunisassiarineqartoq tunngavigalugu (tunisassiornermut akiliutit). § 10, imm. 3-mi aalajangersakkatut siunnersuummi pisinnaatitaaffimmik tigumiaqartoq suliffeqarfik akuersissuteqarfiusoq pillugu akileraarutinik akiliinnnginnissaminut piginnaatitaasinnaavoq. Siunnersuutip tunngavimmigut aatsitassat pillugit inatsimmi § 17, imm. 1 assigaa, allaassutigaluguli akiliutissat nammatassatut annertunnginnerusutut aalajangerneqarsinnaammata akileraarutinut akiligassanut naleqqiullugit.

Aamma siunnersuutip aningaasartuutit suliap ingerlanneranut allatullu oqartussaasunit suliarineqarneranut atatillugu akilerneqarnissaannut aalajangersaaneq ingerlateqqippaa itisilerlugulu. Siunnersuummi § 12, imm. 1-imi aamma 2-mi nassatarineqarpoq pisinnaatitaaffimmik pigisaqartut allallu erngup nukinga pillugu inatsimmut attuumassuteqartut suliap ingerlanneranut allatullu oqartussaasunit suliarineqarneranut atatillugu akiliteqartassatut erngup nukinga pillugu inatsit naapertorlugu. Akileeqqusineq akiligassatut imaluunniit aningaasartuutinik matussutissatut pisinnaavoq. Tamanna pillugu Naalackersuisut erseqqinnerusumik aalajangersagaliorsinnaapput.

3. Pisortanut aningaasaqarnikkut allaffissornikkullu sunniutissat

Siunnersuutip pisortanut allaffissornikkut aningaasaqarnikkulluunniit annertuunik sunniuteqarnissaa naatsorsuutigineqanngilaq. Oqartussanut aningaasaqarnikkut allaffissornikkullu sunniutit

4. Inuussutissarsiornermik ingerlataqartunut aningaasaqarnikkut allaffissornikkullu sunniutissat

Siunnersuutip inuussutissarsiornermik ingerlataqartunut allaffissornikkut aningaasaqarnikkulluunniit annertuunik sunniuteqarnissaa naatsorsuutigineqanngilaq.

Siunnersuummi pisinnaatitaaffimmik pigisaqartut arlallit imermik isumalluummut ataatsimut atuinissamut akuersissummik nalunaarfigineqarsinnaapput. Siunnersuummi § 5, imm. 2 naapertorlugu Naalackersuisut aalajangersaasinnaapput nunap ilaanii aalajangersimasumi atuinissamut akuersissut imermik isumalluuteqarnissamut tunngasutut pissutsit tamatuminnga naleqqutsillugit kisermaassisinnaatitaaffilerlugu nalunaarutigineqarsinnaasoq. Imaassinnaavoq pisinnaatitaaffimmik pigisaqartup Kalaallit Nunaanni suliassatut annertuumik aningaasaliiniarluni nukissiuutinut/illuutinut, aqqusiniornernut assigisaannulluunniit pilersaarutigigaa. Pisuni taamaattuni assigisaannilu pisinnaatitaaffimmik pigisaqartoq immikkut ittumik pisariaqartitsisinnaavoq atuinissamut akuersissut kisermaassiffigissallugu. Ataatsimut isigalugu siunnersuummi § 5, imm. 2 tassungalu nassuiaatit innersuussutigineqarput.

5. Avatangiisinut, pinngortitamut inuillu peqqissusiinut sunniutissat

Siunnersuut avatangiisinut, pinngortitamut inuillu peqqissusiinut sunniuteqassanngilaq.

6. Innuttaasunut sunniutissat

Siunnersuutip innuttaasunut sunniuteqarnissaa naatsorsuutigineqanngilaq.

7. Sunniutissat pingaarutilit allat

Siunnersuut allanik pingaarutilinnik sunniuteqassanngilaq.

8. Oqartussaasunut suleqatigiiffinnullu tusarniaaneq

Inatsisissatut siunnersuut tusarniaaffiusunut 22. novembarimit 23. decembarimut 2017 Namminersorlutik Oqartussat tusarniaavianni tusarniaassutigineqarpoq.

Kiisalu siunnersuut oqartussaasunut, suleqatigiiffinnut allanullu ukununga tusarniaassutigineqarpoq:

Sulisitsisut, Asiaq, TELE Greenland A/S, SIK, KANUKOKA, Kommuneqarfik Sermersooq, Qaasuitsup Kommunia, Qeqqata Kommunia, Kommune Kujalleq, Namminersorlutik Oqartussani Naalackersuisoqarfiit, Pinngortitaleriffik, WWF Grønland, ICC, KNAPK, Royal Greenland A/S, Nukissiorfiit.

Naalackersuisut oqartussaasunit, suleqatigiiffinnit allanillu ukunanga tusarniaanermut akissutisipput:

Sulisitsisut, Asiaq, Nukissiorfiit, Qeqqata Kommunia, Ilinniartitaanermut, Kultureqarnermut, Iisimatusarnermut Ilageeqarnermullu Naalackersuisoqarfik, Aatsitassanut Naalackersuisoqarfik.

Tusarniaanermut akissutit tiguneqarsimasut tunngavigalugit naleqquttumik annertussusilimmik siunnersuummi nassuiaatinilu allannguisoqarlunilu ilassuteqartoqarpoq. Siunnersuut UPA 2018-imi oqaluuserisassanngorlugu Naalackersuisuusimasunit saqqummiunneqarsimavoq, kisianni allannguuteqartinnagu saqqummiuteqqinnissaa kissaatigineqarluni, taamaattumik nutaamik tusarniaanissap ingerlanneqarnissaa naleqquttuutinneqarsimalluni.

Tulliuttuni tusarniaanermut akissutit tusarniaanerup nalaani tiguneqarsimasut suliarineqarput. Oqaatigineqassaaq tusarniaanermut akissutit orlingasunik allassimmata, aamma tusarniaanermut akissutit ataatsimut isigalugu pingaarutilittaat ingerlateqqinneqarmata pingaarnersiorlugit naliliineq tunngavigalugu. Tusarniaanermut akissutit suliarinerinut atugassatut Nukissiorfiit oqaaseqartinneqarput.

Sulisitsisunit tusarniaanermut akissut:

Tusarniaaffigisap uparuarpa § 1, imm. 3 aamma 4-mi oqaasertaliussat allannngortittariaqartut imaalerlutik erseqqissuussasooq erngup nukinganik isumalluutunik atuinermi suliassat suliarinerini sulisut kalaallit ingerlatsiviillu kalaallinit pigineqartut siulliunneqassasut. Sulisitsisut innersuussutigisinnaavaa "-sinnaa" § 11, imm. 3 aamma 4 atorunnaassasooq aamma "aalajangersaasinnaapput" ima allannngortinneqassasooq "aalajangersaassapput".

Naleqquttumik sulianik ingerlatsinissaq patsisigalugu piginnaatitsineq pillugu aalajangersagaq toqqarneqartumik oqaasertalerneqarpoq Naalakkersuisut sulisartunik nunaqavissunik nunaqavissullu suliffeqarfiutaannik, suliffeqarfeqarfimmi pissutsinut atuuttunut aamma inuussutissarsiornermi piginnaasatigut pissutsinut atuuttunut naleqqussarsimasunik atuinissaq pillugu eqaatsumik aalajangersaasinnaaniassammata. Ilutigalugulu aamma Naalakkersuisut aalajangersakkat atugassarititaasullu pillugit eqaatsumik oqaasertaliinissaannut periarfissaassaaq § 11, imm. 3 aamma 4 naapertorlugit, tassaasut namminersortut aningaasaliisussat Kalallit Nunaanni erngup nukinganut aningaasaliinissamut piumasqaataannut naleqqussakkat. Maleruagassat immikkuualuttut § 11, imm. 3 aamma 4 naapertorlugit sulisartunik nunaqavissunik suliffeqarfinnillu nunaqavissunit pigineqartunik salliutitsinissamik aalajangiisut atuinissamut akuersissutini ataasiakkaani naleqqunnerusumik aalajangerneqassapput.

Sulisitsisut aamma siunnersuummik oqaasiliornikkut kukkusanik uparuaavoq, taakkulu iluarsineqarput.

Nukissiorfinnit tusarniaanermut akissut:

Nukissiorfiit allapput: "... paatsoortoqanninnissaa eqqarsaatigalugu § 2 ima oqaasertalerneqassaaq:

"Erngup nukinganik isumalluutinit, nal. akunneri gigawatt-it 6 (GWh) sinnerlugit nukissiornissamik piukkunnaateqartunut Inatsisartut inatsisaat atorneqassaaq."

§ 2 inaarutaasumi siunnersuummi peerneqarpoq.

Qeqqata Kommunianit tusarniaanermut akissut:

Qeqqata Kommunia § 9, imm. 1, titarneq 5, pillugu allappoq imm. 1, 3-p innersuussutigineqartup suuneri erseqqinnngitsut.

Oqaaseqatigiinni innersuussutigineqarput naggatit 1-imit 3-mut § 9, imm. 1-imi. (Maanna § 8, imm. 1, oqaaseqatigiit 1-imit 3-mut).

Qeqqata Kommunia § 10, imm. 1, nr. 6, (maanna § 9) atuinerup naanerani pisinnaatitsissummik piginnittup sanaartugarisaanik ingerlatsivinnik ilaalu ilanngullugit piiaanissamut, kiisalu sumiiffinni attugaasimasuni aamma saliinermik isumaginninnissamut pisinnaatitsissummik piginnittup pisussaaffii, pillugu allappoq:

”... kommune saliinerup qanoq annertutiginissaanut aamma sunik piiaanissamut allanngortitsinissamullu sunniuteqartariaqartoq. ... Aammalu aqqudit orniguffiusut peqarpallu attaveqaqatigiinnermut attortut kommune suleqatigalugu pilersaaruserneqassasut, kommune atortut sumi inissisimanissaannut soqutiginnissinnaammat.”

Erngup nukinganik nukissiorfimmik pilersitsinermi kommune oqartussaannermik atuutsitsisuunerminut inatsisillu naapertorlugit akisussaaffimmik tunniunneqarsimasumik tigumminnittuunerminut naleqquttumik tusarniaaffigisassatut pingaarutilittut inissisimavoq. Assigisaanik erngup nukinganik nukissiorfiup pilersaaruserneqarnerani sananeqarneranilu kingusinnerusukkullu matuneqarpat taassumalu kingunerisaanik saliinermi pinngortitamillu iluarseeqqinnermi kommune sunniuteqarsinnaassaaq.

Avatangiisit pillugit inatsimmi aalajangerneqarpoq Namminersorlutik Oqartussat aamma Kommunit inatsisip iluani qanoq inissisimassasut qanorlu piginnaaneqassasut. Naalakkersuisut avatangiisit pillugit qitiusumik oqartussaapput. Inatsisit naapertorlugit susassaqarfinni arlalinni immikkut taaneqarsimasuni Naalakkersuisut akuersisussaasutut piginnaatitaapput aamma nakkutilliinermik oqartussaataallutik. Taamaalilluni avatangiisit pillugit inatsimmi aalajangerneqarpoq Naalakkersuisut suliffeqarfinnut il. il. nakkutilliinermut aamma akuersinermut oqartussaasut, suliffeqarfiit il. il. tassaasut avatangiisit pillugit inatsimmi kapitali 8-mi maleruagassat naapertorlugit illunik atortunillu sanaartornernut annertunerusunut akuersissuteqarnissamut atatillugu avatangiisinut sunniuteqarnissaannut naliliinerup suliarinissaanut piumasaqaammut attugaasut. Erngup nukinganik nukissiorfimmik sanaartorneq tassaavoq suliniutit avatangiisinut sunniutaat pillugit naliliinerup suliarinissaanut piumasaqarfiusunut ilaasoq aamma Naalakkersuisut taanna pillugu nalunaarummik akuersiffigisassaat.

Avatangiisit illersorneqarnissaat pillugu Inatsisartut inatsisaat naapertorlugu kommunalbestyrelsit isumaqatigiinniarfigereerlugit suliniutinik sukumiinerusumik nassuiarneqartunik nakkutilliineq Naalakkersuisut kommunalbestyrelsimut suliassanngortissinnaavaat. Aalajangiineq taamaattoq avatangiisit pillugit inatsit naapertorlugu pissaaq imaanngitsoq erngup nukinganik isumalluutinik atuineq pillugu inatsit naapertorlugu pissasoq.

Qeqqata Kommunia siunnersuummi § 19 pillugu allappoq silasiornikkut paasisutissat ilaatinneqassasut nioqutissiornermik piginnaasat naatsorsornerinut imermillu tigusinissap missingerneranut ilanngullugit.

Paasisutissat tusarniaaffigisamit taaneqartut erngup nukinganik isumalluutininik nukissiornermut atuinnissamut atatillugu misissueqqaarnermik ingerlatsinermi paasisutissanut pisarnertut katersorneqartartunut ilaapput. Misissuinerit taakku inernerit paasisutissallu katersorneqarsimasut tassaapput erngup nukinganik isumalluummik atuinnissamut qinnuteqarsinnaanissamut tunngavissat pigineqareersussat aamma nioqutissiornermut piginnaasat naatsorsorsinnaanerit imermillu tigusinissap missingersinnaaneranut tunngavissat pisariaqartut.

Qeqqata Kommunia § 19, imm. 4 aamma 5 pillugit allappoq kommunit erngup nukinganik nukissiorfiup inissinneranut atortulersorneranullu itigartitsisinnaatitaasariaqartut kommunip soqutigisaanut assersuutigalugu takornariaqarnermut tunngasunut akerliuppata.

Kommunip siunnersuutaa malinneqassappat imaalerluni kommune Naalakkersuisut erngup nukinganik suliniutit aalajangersimasut pillugit aalajangigaannut eqqartuussisutigut atuuttussamik itigartitsisinnaatitaalersoq, taava inatsisunik atortitsinerit tunngatillugu piginnaatitaanerup ilaata (pisinnaatitaanerup) inatsisunik atortitsinerup ilaa – erngup nukinganik susassaarfik pillugu aalajangiisinnaanerit piginnaatitaaneq – piviusumik Naalakkersuisunit kommunimut nuunneqarnera tamatuma nassatarissavaa.

Erngup nukingatut tunngasut susassaarfiuvoq inuiaqatigiinnut tamanut nunamullu tamarmut annertuumik sunniutilik. Taamaattumik pingartinneqarpoq inaarutaasumik aalajangiinerit piginnaatitaaneq paatsuugassaannngitsumik Naalakkersuisuniinnissaa aalajangiusimaneqassasoq.

Siunnersuut atortinneqassappat kommunillu itigartitsisinnaatitaanermik aalajangiinera eqqartuussisutigoortumik akuerisatut isigineqassappat, taava kommune erngup nukinganut tunngasuni inatsisunik atortitsinerup ilaani piviusumik pissaaneqalissaaq. Aammalu kommune erngup nukinganut tunngasuni itigartitsisinnaatitaanermut pissaanermik atortitsinerminut Naalakkersuisutulli, Inatsisartunut akisussaasuusut, akisussaasuussanngilaq.

Qeqqata Kommunia § 21, imm. 3 pillugu allappoq inatsimmi maleruagassat tunngavigalugit pisinnaatitaaffimmik tigumiaqartumut naalakkiuteqannginnermi kommune akerliliisinnaatitaasariaqartoq.

Ataatsimut isigalugu qulaani allassimasut innersuussutigineqarput, tassaasut inuiaat

naalackersueqataanerata aamma naalackersuinikkut aaqqissuussinerup eqqartuussisutigoortumik tunngavigineqarneri aamma piginnaatitsissutip Naalackersuisunit kommunimut nuunnerata kingunerisai pillugit. Kommunip siunnersuutaa piviusumik Naalackersuisut pisinnaatitsissummik tigumiaqartup suliniutaanik nakkutilliinera pillugu annertuumik nalorninartorsiortitsilissaaq sulinermilu kinguneqarluartumik nakkutilliinermik ingerlatsinissamut periarfissaaq ajornakusuulersissallugu.

Qeqqata Kommunia § 22 pillugu allappoq kommune nunaminertat pillugit susassaarfimmi oqartussaasutut piginnaatitaasariaqartoq imaluunniit periarfissatut allatut nunaminertamik tunniussineq kommunimit akuerineqartariaqartoq imaluunniit kommune itigartitsisinnaatitaasariaqartoq.

Erngup nukingata nukissiornermut atorneqartarnera pillugu inatsit atuuttoq naapertorlugu erngup nukinganik isumalluutit nukissiornermut atorneqarnissaannut misissueqqaarnernut atuinernullu Namminersorlutik Oqartussat kisermaassisuupput. Susassaarfik innuttaasunut tamanut nunamullu tamarmut annertuumik inuiaqatigiinni pingaaruteqarpoq. Taamaattumik kommunimit siunnersuut, inatsisinik atortitsinermut tunngatillugu piginnaatitaanerup ilaata inatsisinik atortitsinerup ilaa Naalackersuisunit Kommunimut nuunna pillugu inuiaat naalackersueqataanerata aamma naalackersuinikkut aaqqissuussinerup eqqartuussisutigoortumik tunngavigineqarnerinut akerliussaaq. Kiisalu Qeqqata Kommunianut tusarniaanermut akissut qulaani taaneqartoq innersuussutigineqarpoq.

Aatsitassat pillugit Naalackersuisoqarfimmit tusarniaanermut akissut:

Naalackersuisoqarfiup uparuarpaal erngup nukinganik isumalluutit aatsitassanik suliaqarnermut atatillugu atorneqarnissaat aatsitassat pillugit inatsimmi maleruagassanut atammat. Inatsisartut inatsisissaannut siunnersuummi § 4-mi aalajangersakkap eqqartuussisutigoortumik inissisimaneq nalornissutigineqarsinnaanerani kinguneqarsinnaammat pingaartumik aatsitassat pillugit inatsimmi § 20-mi aalajangersakkamut tunngatillugu.

Suliniutinut aatsitassat pillugit inatsimmut attuumassutilinnut atatillugu erngup nukingata nukissiornermut atorneqartarnera pillugu maleruagassaliornermut tunngasunik nalornisoortoqaqqunagu aalajangersagaq nutaaq siunnersuummi § 29-mi immikkoortoq 3-tut ikkunneqarpoq, taamaalillunilu ilutigalugu Aatsitassat pillugit ingerlatallu tamatumunnga pingaarutillit pillugit inatsisartut inatsisaanni nr. 7, 7. december 2009-meersumi (aatsitassanut ikummatissanullu inatsit) aalajangersakkani aatsitassat pillugit suliniuteqarnerni erngup nukinganik isumalluutinik atuinermut maleruagassaliornermi allannguisoqarpoq.

Asiamit tusarniaanermut akissut.

Asiaq siunnersuummi § 5, imm. 2-mi aalajangersagaq pillugu allappoq misissueqqaarnermut akuersissummut piffissaritinneqartoq sivikippallaarsinnaasoq nunap ilaa siornatigut erngup nukinganik isumalluutip qanoq annertutiginera pillugu misissueqqaarfigineqarsimangitsoq pineqarpat. Tamatumunnga atatillugu Asiaq innersuussivoq Nukissiorfiit nalunaarusiaannut "Kalaallit Nunaata imermik isumalluutai. Ataatsimut takussutissaq aggusti 2005", tassani innersuussutigineqarpoq erngup nukinganik nukissiorfimmik pilersitsinissaq pillugu aalajangerneq minnerpaamik ukiut 10 imermik isumalluutip qanoq annertutigineranik uuttuisarnernik tunngaveqassasoq.

Tusarniaaneq peqquutissiivoq § 5, imm. 2-mi aalajangersakkap allangortinnissaanut, taamalu misissueqqaarnissamut akuersissut pillugu piffissarititaasoq tassaavoq ukiut 5, suli ukiunik 5-nik sivitsornissaanut periarfissaqarluni. Akuersissummut piffissarititaasup tamakkiisup ukiut 10-t sinnersinnaanngilai. Aalajangersagaq massakkut § 4, imm. 2-miippoq.

Asiaq allappoq § 8, imm. 2-mi aalajangersakkap oqaasiliornera tassungalu nalunaajaatinut naleqqiullugu ataatsikkut erngup atukkap annerpaaffissaa pillugu ilutigalugulu imeqarfimmi imermut atugassamut naleqkerfissat qaffasinnerfaat pillugu atugassarititaasut aalajangerneqarnissat ajornartorsiutaasinnaasoq. Imeqarfimmut erngup kuuttup annertussusaa ukiumiit ukiumut allangortassammat (ukiuni imermik annertuumik kuuffiusuni nalinginnaasumik ukiuni imermik kuuffikiffiusumiit marloriaataaniit tallimariaataanut annertunerusumik kuuttoqartarpoq), aarlerinaataasinnaavoq ukiut ilaanni piumasagaatit taakku marluk eqqortinneqarsinnaannginneri; tassa ukiuni imermik annertuumik kuuffiusuni imermik akuersissutaasumit annertunerusumik tiguisoqarsinnaassasoq imeqarfimmi imermut atugassamut naleqkerfissap akuersissutigalugu qaffasinnerpaaffissaat ataassimaniarlugu. Taamaattumik Asiaq kaammattuivoq imeqarfimmi naleqkerfissaq annerpaaffeqassanngitsoq.

Taamaattumik Asiap oqaaseqaataata kingunerisaanik § 8, imm. 2-mi aalajangersakkami allannguisoqarpoq imaalerluni imeqarfimmi erngup naleqkerfissaa annerpaaffissaa peerneqarluni. Aalajangersagaq § 5, imm. 4-mut allangortinneqarpoq.

Ilinniartitaanermut, Kultureqarnermut, Ilisimatusarnermut Ilageeqarnermullu Naalackersuisoqarfimmit tusarniaanermut akissut.

Ilinniartitaanermut, Kultureqarnermut, Ilisimatusarnermut Ilageeqarnermullu Naalackersuisoqarfiup siunnersuutigaa nassuiaatini Eqqissisimatitsisarneq aamma allatigut kulturikkut eriaqisassanik kulturikkut kingornussatut illersuineq pillugu Inatsisartut

Inatsisaat nr. 11, 19. maj 2010-meersumi (kulturikkut eriagisassat pillugit inatsit) § 11-17 innersuussutigineqassasut.

Nalunaajaatini nalinginnaasuni nutaamik allatanik immikkoortoq ilanngunneqarpoq, tassani inatsisartut inatsisissaannut siunnersuutip aamma eqqissisimatitsisarneq aamma allatigut kulturikkut eriagisassanik kulturikkut kingornussanik illersuineq pillugu Inatsisartut inatsisaata imminnut naleqqiullutik qanoq inissisimanerat allaaserineqarpoq.

Aningaasaqarnermut Naalackersuisoqarfimmit tusarniaanermut akissut.

Aningaasaqarnermut Naalackersuisoqarfik tulluuttumi taaneqartunik ataatsimut isigalugu oqaaseqaateqarpoq.

Kalaallit Nunaanni erngup nukinganik isumalluutininik nukissiornermut atuinnissap nunami aningaasatigut ineriartorneq ilippanaateqalersippaa. Taamaattumik susassaqaarfimmi sinaakkutaasumik inatsisiliorneq tassaavoq immikkoortoq piviusoq Inatsisartut ineriartornissamut periarfissanik sunniuteqarfigisinnaasaat.

Erngup nukinganik isumalluutit innuttaasunik avatangiisinut eqqortumik nukissiuuteqarnermik pilersuinerneq atornerqarlutillu tunisassiorfinnut assigiinngitsunut nukissiuuteqarnermik sakkortuumik atuisunik ineriartortitsinerneq periarfissanik pilersitsinissamut tunngaviusinnaapput immaqalu ungasinnerusoq isigalugu innaallagissamik toqqaannartumik avammut tunisinerneq. Taamaattumik Aningaasaqarnermut Naalackersuisoqarfiup isumaqatigilluinnarpaa nalinginnaasumik nalunaajaatini eqqaaneqarmat qanoq pingaartigisoq ”erngup nukingata ilippanartua...pitsaanerpaamik naleqqunnerpaamillu atornerqassasoq”. Taamaattumik pisinnaatitaanermut pigisaqartut arlallit isumalluummut ataatsimut isersinnaanerisa periarfissinneqarnerannik eqqarsarneq aallaavimmigut soqutiginaruuvoq.

Siunnersuut naapertorlugu atuisinnaanerneq akuersissutit kisermaassisuunngitsut pingaarnertut malittarisassaapput, taamaattorli takuuk § 8, imm. 5 ”imermik isumalluuteqarnissamut pissutsit tamatuminnga naleqqutsillugit”, kisermaassilluni atuinnissamut akuersissuteqarneq atornerqarsinnaavoq. Nalunaajaatini erserpoq eqqarsaatigineqartut ”pissutsit atuutsitsisut” tassaasut ”ilaatigut atortunut, attaveqaatinut assigisaannulluunniit annertuumik aningaasaliinerit”. Kisianni imaannginnerluni kisermaassinertalerlugit akuersissutit sulinerneq saneqqunneqarsinnaanngitsumik nalinginnaanerpaanngussasut? Taamaattumik eqqarsaatigineqarsinnaavoq eqqarsarneq allanngortillugu kisermaassiffiunngitsumik akuersissut malittarisassanik allaasumik pisuussasoq kisermaassisuuffiusumillu akuersissuteqarneq tassaalerluni nalinginnaasoq.

Erngup nukinga pillugu inatsimmi atuuttumi akuersissummik tigumiaqartoq pisussaataavoq tunisassiornermut piginnaasat naatsorsussallugit aamma tunisassiornermut imermik atuneq missingersuusiussallugu uppersaataalluni atuinissamut akuersissummi ilaatinneqassallutik. Nukissiorfissap pilersaarutaasup annertussusissaa imermik pisariaqartumik atugassamut erseqqinnerusumik naleqqiunneratigut periarfissaassaaq paasissallugu nunap ilaani imeqarfiusup ilaani sumi isumalluutinik atunerup pitsanngorsarnissaanut naammattumik ilippanartoqarnersoq. Kisermaassiffiunngitsumik akuersissummik tunniussinikkut Naalackersuisut periarfissinneqarput nunap ilaani naammattumik angissusilinnik erngup nukinganik isumalluutilinni atuinissamut akuersissutinik allanut tunniussinissaanut.

Aningaasaqarnermut Naalackersuisoqarfik pisuni akuersissummik tigumiaqartut arlallit erngup nukinganik isumalluummik ataatsimik atuisoqarfiusuni ataatsimut ingerlatsinissamik eqqarsarnermut isumaqataavoq.

Naalackersuisoqarfiup maluginiarpaa atuinissamut akuersissutip siunnersuummi ukiut 40 tikillugit atuunnissaa sivitsorneqarsinnaasorlu ukiunik 2 x 20-nik – katillugit annerpaamik ukiut 80. Piffissaq sivisoorujussuavoq, taamaanneranilu inuiaqatigiinni pissutsit teknologiikkullu periarfissat qularnanngitsumik siumut ilimageriigaanngitsumik ineriartorsinnaapput. Taamaattumik inatsit manna naapertorlugu atuinissamik akuersissutip Naalackersuisut Inatsisartullu qanoq iliuuseqarsinnaanerat siunissamut ungasissorujussuarmut killilersimaassavaa. Ilimanaateqartumik tamanna allanngortinneqarsinnaanngilaq aamma aningasaliisup aningaasaliissutimi ajutoorsinnaanermut ernialersuinernullu tapiissutitaat ilanngullugit iserteqqinnissannut periarfissaa eqqarsaatigalugu akuerissagaanni. Taamaakkaluartorli atuinissamut akuersissutip sivisussusissaa pisariaqartitamut piviusumut naleqqussarneqartariaqarpoq, aatsitassarsiorfik erngup nukinganik (minnerusumik) nukissiorfiliorniartoq ukiunut assersuutigalugu 10-t 15-inut ingerlatsisusaaq aallavittut 40 + 2 x 20-mik sivisussusilinnik akuersissuteqarnissaminut pisariaqartitsissagunannilaq. Nassuiaatini tamanna erseqqissarneqariaqarpoq.

Aningaasaqarnikkut tulluartsuussappat aamma eqqarsaatigineqarsinnaavoq assersuutigalugu Nukissiorfiit akiliillutik atortumik tamanut innaallagissamik pilersuinermut attuumassuteqartumik tiguisinnaasut taanna ukiut 10 - 15 qaangiunnerini pisinnaatitaaffimmik tigumiaqartumit atorfissaarunneqartumik. Piumagaanni taaneqarsinnaavoq "akiliilluni utertitsineq".

Namminersorlutik Oqartussat Alcoap suliniutaanit misilittagaasa takutippaat nunat tamalaat akornini unammillersinnaasunik sinaakkuserlugu atugassaqartitsineq pisariaqartoq erngup nukinganut namminersortunit aningaasaliiffigineqarsinnaanerata soqutigineqarnera

najummiinnarniaraanni, taassuma ataani atuinissamut akuersissummik annertuumik aningaasaliinermut naleqqussarneqartumik sivitsuisinnaaneq, aningaasaliinerit tassaasut erngup nukinganik nukissiorfimmik angisuumik atortulinnik attaveqaqatigiinnermilu sanaartornissamut pisariaqartinneqartut.

Nangillugu nukissiorfinnit aatsitassarsiorfinnut atasunit misilittakkat takutippaat ataatsimut aningaasaliisinnaaneq ajornakusoortinneqartoq aatsitassarsiorfinnut aningaasaliissutit piffissap sivikitsup iluani utertinnissaat pisussammat pissutigalugu, aatsitassarsiorfiit aatsitassap qanoq annertutiginera tunngavigalugu atasarmata, erngulli nukinganik nukissiorfik nalinginnaasumik ukiut 40 sivisunerusumilluunniit atasinnaammata. Aatsitassanik piiannerup aamma erngup nukinganik nukissiorfimmik sanaartornerup aningaasalerneqarnikkut ataqatigiinninnerat tassaavoq pingaarutilimmik peqqutaasoq siunnersuummi siunniunneqarmat aatsitassanik piiannissamut akuersissutit oqartussaasunit suliarineqarnerat siunissami erngup nukinganik atuilluni nukissiornissamut akuersissutit oqartussaasunit suliarineqarnerannit avissaartinneqassammata, erngup nukinganik nukissiut aatsitassarsiorfimmik innaallagialersuinerumut atorineqaraluarpuunniit.

§ 12-imi atuisinnaanermut akuersissummut aalajangikkamik akiliuteqarnissamut atatillugu periarfissaqarpoq suliffeqarfiup tamakkiisumik imaluunniit ilaannakortumik akileraaruteqartinnginnissaanut. Akileraaruteqartitsinngitsoqassappat Naalakkersuisut siumoortumik aningaasartuutissanut inatsimmi ukiumoortumi allaganngorlugu nalunaarsuutikkut inatsisitigut immikkut tunngaveqassapput. Aningaasaqarnermut Naalakkersuisoqarfiup allaganngorlugu nalunaarsuutinik iluseq tapersorsorjaa pisuni piviusuni akileraaruteqartitsinnginnissaq nalunaarutigineqassappat.

Kisianni suliffeqarfiit piviusut nioqquteqarfinni piviusuni akileraartussaataaerumut tamakkiisumik ilaannakortumilluunniit akileraaruteqartinnginnissaannut apeqqut annertunerpaamik mianersuutassaavoq. Tunngaviummik inuiaqatigiit soqutigisarinnigilaat suliffeqarfiit piviusut imaluunniit nioqquteqarfiit piviusut inuussutissarsiorfiup sinneraniittunit allaanerusunik atugassaqartinneqassasut. Taamaattumik nalinginnaasumik akileraartarnerup allaganngorlugu nalunaarsuutinut aamma atuinissamut akuersissummut pineqartumut atugassarititaasunut atatillugu akiliummik taarteqartinneqarnerata iluanaarut akileraartarnikkut isertinneqartumut uniorpallaanngitsumik naapertuuttoq qulakkiissanngikkuniuk suliffissaqartitsinerumut, inuiaqatigiit ineriartortinneqarnerannut immikkorluinnaq ittunik imaluunniit pissutsini allani immikkorluinnaq ittunik tunngaveqassaaq. Tassunga atatillugu taaneqassaaq erngup nukinganik nukissiorfinnik ingerlatsineq immikkut ittunik sulinartorsuunngimmat. Taamaattumik suliffissaqartitsinerup eqqarsaatiginera annertunerusumik sanaartornerumut imaluunniit peqarpat suliffissuarmut tassunga atasumut tunngasuuvooq.

Aningaasaqarnikkut sinaakkutaasumik atugassarititaasut nunani allani sinaakkutaasumik atugassarititaasunut unammillersinnaasariaqarput Kalaallit Nunaanni erngup nukinganik isumalluutit namminersortunit aningaasalerneqarnissaanut ussagartitsinissamik aalajangiussinissamillu anguniagaq piviusorsiortuussappat. Erngup nukinganik atuinerup annertusarneqarnerata sunniutai suliffissaqartitsinermut inuiaqatigiillu ineriartortinneqarnissaannut tunngasunut sunniutit toqqaannartumik erngup nukinganik tunisassiornermut atasuunngillat, kisiannili suliffeqarfinnut innaallagissamik annertuumik atuisassanut erngup nukinganik nukissiorfiup pilersinneratigut periarfissamut innaallagissamik akikitsumik avatangiisinullu ajunngitsumik sunniuteqartumik atuinermut ammaassisutut sunniuteqarpoq.

Akuersissummik tigummiqartoq innaallagissamillu pisisoq assigiippata allatulluunniit annertuumik assigiinnik soqutigisaqarlutik taava eqqarsarnartorujussuusinnaavoq inatsit toqqaannartumik ammaappat akileraaruteqarnissaq annikillisarneqarpat ingerlatsiviup akileraartinneqartartup sinneqartoorutaanik ingerlatsivimmut akileraaruteqartussaannngitsumut nuussinikkut. Taamaattumik akileraaruteqartitsinerup/akiliutinik akiliisitsinerup annertuumik imminnut ataqatigiinnerat anguniartariaqarpoq immaqa nakkutigineqarlutik nuunneqartut uppersineqarsinnaasut pillugit aalajangersakkatigut.

Paragrafinut ataasiakkaanut immikkut oqaaseqaatit.

§ 3 pisariinnerusumik oqaasertalerneqarsinnaavoq. Assersuutigalugu taarsiullugu ima allanneqarli: "Erngup nukinganik isumalluutit Namminersorlutik Oqartussanit pigineqarput.", soorlu nassuiaatini allassimasoq. Namminersorlutik Oqartussat misissueqqaarnissamut atuinissamullu kisermaassisuunerisa taaneqarnerat, taavalu allat erngup nukinganik isumalluutinik misissueqqaarnissamut atuinissamullu aalajangersakkanik malittarisaasussanik malitseqarnera eqqumiitsutut misinnarpoq.

Aalajangersagaq Erngup nukingata nukissiornermut atorneqartarnera pillugu Inatsisartut inatsisaat nr. 11, 8. juni 2014-imeersumi § 3-mi aalajangersakkamut atuuttumut naapertuuppoq.

§ 10, 8-mi isumaqatigiinngitsoqassagalarpat akunnermiliuttoqarnikkut aalajangiisoqarneq taaneqarpoq. Tassunga atatillugu Aningaasaqarnermut Naalackersuisoqarfiup eqqaasitsissutigissavaa sammisaqarfimmut tassunga sammisaqarfinnullu allanut siusinnerusukkut akuersissutinik nalunaaruteqarnermut atatillugu isumaqatigiinngitsoqassagalarpat aaqqiinissamik tunngaviusup pingaaruteqarnera isumaliutigineqarsimammat, tunngaviusorlu inuiaqatigiit ataatsimut isigalugit

*soqutigisaannut Nunat Avannaamiuisut - Europamiutut pullaveqarnermik
ersersitsisariaqarpoq. Taamaattumik isumaqatigiissitsiniarneq Kalaallit Nunaanni-
Danmarkimi eqqartuussisarnermut paasinneriaatsimik tunngaveqartariaqarpoq.*

Isumaqatigiissitsiniarneq pillugu aalajangersakkat sukumiinerusut aalajangerneqassapput akuersissummut atugassarititaasutut assersuutigalugu ilutsitut akuersissutini. Kalaallit Nunaanni erngup nukinganik nukissiorfik Kalaallit Nunaani inatsisit atuuttut naapertorlugit sanaartorneqarsimasoq pineqarpat pissusissamisuusaaq isumaqatigiissitsiniarnermut skandinaviamiut eqqartuussisoqarnikkut ileqqoralugu periaasiat tunngavigineqarpat.

Inatsisissatut siunnersuummi aalajangersakkanut ataasiakkaanut nassuiaatit

§ 1-imut

Imm. 1-imut

Erngup nukinga pillugu inatsimmi atuuttumi § 1-mi aalajangersagaq assigalugu § 1-imi aalajangersakkami inatsisissatut siunnersuutip atuuffissaa aalajangersarneqarpoq. Inatsisip atuuffissaa tassaapput misissueqqaarnissaq aamma atuinissaq kiisalu suliniutit akuersissutip ataaniittut ingerlanneqartut. Taamaalilluni inatsimmiipput suliniutit tamakkiisut pisinnaatitaaffimmik pigisaqartumit taassumaluunniit sinniisaannit akuersissummik nalunaarutigineqartoq tunngavigalugu ingerlanneqartut, taakku ataanni aamma pisariaqartumik aqqusinniornerit kiisalu misissueqqaarnermut namminermt imaluunniit atuinermut namminermt atatillugu suliniutit tapertaasut.

Imm. 2-mut

Erngup nukinga pillugu inatsit atuuttoq assigalugu inatsisissatut siunnersuut sinaakutissatut inatsisaavoq, Naalakkersuisunut tunngaviususaaq erngup nukinganik isumalluutunik misissueqqaarnermut atuinissanullu akuersissutinik nalunaarutiginninnermut. § 1, imm. 2-mi aalajangersakkami ataatsimut isigalugu akuersissummi piumasaqaatit aalajangernerini Naalakkersuisut pingaarutilittut eqqarsaatigisassaarallit aalajangersarneqarput. Akuersissummi atuneq, illuutunik, nukissiorfinnik atortunillu sanaartorneq ingerlatsinerlu il.il aamma suliniutit allat tamaasa taakkununga attuumassuteqartut eqqarsaatigalugit Naalakkersuisut piumasaqaatinik naleqquttunik aalajangersaasinnaapput. Piumasaqaatit qanoq ittut naleqquttuunersut ataasiakkaani pissutsit tunngassuteqartut qanoq ittuunerisa apeqqutaaneriniq naliliinikkut tunngavilerneqassapput. Taamaalilluni siunnersuummi ilanngunneqarput suliniutit tamarmik akuersissummut tunniunneqartumut tunngatillugit ingerlanneqartut, taakku ataanni aamma pisariaqartunik aqqusinniorneq kiisalu misissueqqaarnermut namminermt imaluunniit atuinermut namminermt atatillugu suliniutit tapertaasut.

§ 2-mut

Aalajangersakkap erngup nukinga pillugu inatsimmi § 3 atuuttoq assigaa. Erngup nukinganik isumalluutit Kalaallit Nunaanni Namminersorlutik Oqartussanit pigineqarput. Taamaalilluni siunnersuut naapertorlugu Kalaallit Nunaanni Namminersorlutik Oqartussat Inatsisartut inatsisissaannut siunnersuummi erngup nukinganik isumalluutunik nukissiornermut tunisassiornermullu misissueqqaarnissamut aamma atuinissamut kisermaassisuupput taamalu aamma allanut tamatumunnga akuersissummik tunniussinermt kisermaassisuullutik.

Kisirmaassisuuneq taamaallaat misissueqqarnernut imaluunniit nukissamik tunisassiornermut atuinissamut tunngasuvoq. Siunnersuummi assersuutigalugu ilisimatuussutsikkut misissuiniarlunilu misissuinerit nalinginnaasut aamma nunap assiliorneri erngup sermillu pissusaannut attuumassuteqartut malittarisassaliuunneqanngillat.

Aalajangersagaq isigineqassaaq siunnersuummi § 4-mut atatillugu qularnaassallugulu kinaluunniit Naalackersuisunit akuerineqaqqaarani tunisassiuutigalugu nukissiornermut misissueqqaarsinnaananilu atuisinnaanngitsoq.

§ 3-mut

Erngup nukinga pillugu inatsimmi atuuttumi § 4-mi aalajangersakkamut naleqqiullugu massakkut aatsitassat pillugit inatsit tunngavigalugu atuinissamut atortussiassanit aatsitassanik atuinermut atatillugu erngup nukinganik isumalluutini nukissiorluni tunisassiornermut akuersissuteqartoqartarunnaassaaq. Akuersissuteqarneq oqartussaasutigullu suliarinninneq taamaallaat pissaaq erngup nukinganik isumalluutini nukissiorluni tunisassiornermut atuneq pillugu Inatsisartut inatsisaat naapertorlugu.

Imm. 1-imut

Naalackersuisut inatsisissatut siunnersuutip sinaakkutaasa iluanni piginnaatinneqarput erngup nukinganik isumalluutini nukissiorluni tunisassiornermut misissueqqaarnissamut atuinissamulluunniit akuersissallutik piunnaasaqatit erseqqinnerusumik aalajangersimasut tunngavigalugit, takuuk §§ 4, 5, 7, 8, 9, 10, 11 12 aamma 13. Misissueqqaarnissamut akuersissut kisirmaassisuunngitsutut nalunaarutigineqassaaq aamma pisinnaatitaanermik piginnittuusoq aamma atuinissamut akuersissummik nalunaarfigineqarnissaminut piunnaarsinnaavoq piunnaarsineqartut arlallit naammassineqarpata.

Erngup nukinganik isumalluutini nukissiorluni tunisassiornermut misissueqqaarnissamut atuinissamullu akuersissut immikkoortillugu nalunaarutigineqassaaq.

Imm. 2-mut

Imm. 2-mi misissueqqaarnernut atuinernullu atatillugu suliat Inatsisartut inatsisaat aammalu taassuma ataani aalajangersakkat Naalackersuisut aalajangersarsimasaat §§ 4, 5, 7, 8, 9, 10, 11, 12 aamma 13 naapertorlugit. Imm. 2-p oqaasertaanut ”aalajangersakkat” ilanngunneqarnerisigut, erngup nukinganik suliaqarnissamut akuersissutini inatsimmi aalajangersakkat, aalajangersakkat nalunaarusaasimasinnaasuni aalajangersarneqartut aammalu piunnaasaqatit akuersissutini aalajangersarneqartut malinneqartussaaneerit erseqqissarneqarpoq.

Imm. 3-mut

Naalackersuisut akuersissutit ataatsikkoortumik arlalinnut nalunaarutigisinnaavaat misissuinermit inernerit takutippassuk erngup nukinganik isumalluut naammattumik kuunneqarlunilu ima annertutigisoq erngup nukinganik isumalluutip atormissaanut akuersissutit arlallit nalunaarutigineqarsinnaasut. Allanut akuersissummik nalunaarutiginninnermi malittaasumi siusinnerusukkut akuersissummik pissarsisimasut eqqarsaatigineqassapput. Ataatsikkoortumik akuersissutinik tunniussinerup kingunerissavaa akuersissutit imminnut ataqatigiissinnissaat pisariaqartussaasoq, taamatullu sanaartornermi ingerlatsinermilu piginnittut akornanni suleqatigiinnissamut sukumiisumik isumaqatigiissuteqarnissaq pisariaqartussaalluni.

§ 4-mut

Imm. 1-imut

§ 4, imm. 1-ip erngup nukinga pillugu inatsimmi § 5, imm. 1 assigaa. Misissueqqaarnissamut akuersissut erngup nukinganut isumalluummut aalajangersimasumut nunataanilu killeqarfiliussat iluannut tunngasuusaaq. Nunataani killeqarfiliussap ilua tassaassaaq nunataa imertalik erngup kuunneratigut erngup nukinganik isumalluummut pilersitseqataasoq. Nunap ilaa atorneqarpoq immap ilaanit akerliusumik aammalu ilanngunneqarlutik tatsit sersersuarlu.

Misissueqqaarnernut ilaapput aallarniutaasumik, alapernaarsuinermit misissuinerit tamatumalu kingornatigut erngup nukinganik isumalluutip annertussusaata periarfissaatalu misissorneranik. Taamatut misissuinermit siunertarineqarpoq erngup nukinganik isumalluutip qanoq piviusumik annertutigissusia aamma teknikikkut pissutsit erngup nukinganik nukissiorfimmik pilersitsinissamut tunngasut nalilersussallugit. Inernerit tunngaviliissapput erngup nukinganik isumalluutip atorneqarnissaanut atatillugu sanaartornermi aningaasartuutissat nalilernissaannut.

Imm. 2-mut

Imm. 2-mi aalajangersarneqarpoq misissueqqaarnissamut akuersissutit piffissamut ukiut 5 tikillugit atuuttussanngorlugit tunniunneqarsinnaasut. Piffissaq akuersissuteqarfiusoq sivitsorneqarusuppat pisinnaatitaanermut pigisaqartoq tamatumunnga qinnuteqassaaq, Naalackersuisullu toqqarsinnaavaat sivitsuinissamik nalunaaruteqarneq. Siunnersuutigineqarpoq misissueqqaarnissamut akuersissutit taamaallaat ukiunik 5-inik sivitsorneqarsinnaasut, imaalerluni akuersissut piffissakkut annertunerpaamik ukiunik 10-nik sivilissuseqarsinnaalluni.

Akuersissummik sivitsuineq tunniunneqarsinnaavoq erngup nukinganik isumalluummik

annertunerusumik misissuinissaq pisariaqartinneqarpat, taassuma ataani pisariaqarpat nunap ilaanik imertalimmik killilikkamik annertunerusumik ilanngussinissaq.

Misissueqqaarnissamut akuersissummik sivisussusiliinissamut pisumut naliliineq tunngaviussaaq. Piffissamik sivisussutsip aalajangerneqarnerani ilaatigut eqqarsaatigineqassapput misissuinermi paasissutissat pissarsiarineqartut pisariaqartinneqarneri oqartussaasut pilersaarusiortarinerinut atugassatut soorlu aamma inuussutissarsiornikkut suliniutinik inissiinerit allat aamma eqqarsaatigineqassasut. Nunap ilaani killilikkami erngup nukinganik isumalluuteqarfiusinnaasumi piviusumik oqartussaasut pilersaarusiornissaannut suliniuteqartoqarpat imaluunniit inuussutissarsiornikkut allatut suliniuteqartoqarpat tamanna piffissap sivikitsuunissaanut tikkuussisuussaaq.

Kiisalu Naalackersuisut misissueqqaarnermi paasisat tamanit pissarsiarineqarsinnaasut annertussusaat, nunap ilaani killilikkap annertussusaa tikinneqarsinnaaneralu aamma nuna tamakkerlugu kommunillu pilersaarusiorniserisa eqqarsaatiginerat pingaartissinnaassavaat. Nunap ilai killilikkat erngup nukinganik isumalluutit pillugit naliliinermut paasissutissanik attuumassuteqartunik peqarfiunngitsut imaluunniit nunap ilaa killiligaaq tikiffigiuminaatsoq pineqarpat piffissap sivisuujunissaanut tikkuussisuussaaq.

Imm. 3-mut

Inatsisartut inatsisaanni aalajangerneqarpoq Kalaallit Nunaanni Namminersorlutik Oqartussat tassaasut erngup nukinganik isumalluutitut misissueqqaarnermut nukissiornermullu atuinissamut kisermaassisuusut. Kalaallit Nunaanni Namminersorlutik Oqartussat tamanna tunngavigalugu sullissisunut allanut, taamalu pisinnaatitaanermut pigisaqalersunut, kisermaassisinnaanermut akuersissummik nalunaarsinnaapput. Erngup nukinganik isumalluutinik atuinermut atasunut Naalackersuisut inuiaqatigiit soqutigisaannik aallussissappata pingaaruteqarpoq Naalackersuisut ingerlaavartumik Kalaallit Nunaanni erngup nukinganik isumalluutit pillugit paasissutissat tamakkiisut nutartertuartumik iserfigisinnaassagaat.

Taamaattumik pisinnaatitaanermik pigisaqartoq pisussaataavoq nalunaarusiussalluni misissueqqaarnermillu inaarinermi paasisanik nalunaaruteqassalluni. Qanoq akulikitsigisumik nalunaarusiornissamut piumasarineqartut aalajangerneqartassapput suliniutip annertussusaa misissueqqaarnermullu atatillugu suliniutit amerlassusaat apequtaatillugit.

Imm. 4-mut

Paasissutissat takuuk imm. 3 maannakkutut allanut oqaatigeqqunngisaapput akuersissutit atunnerata qaangiunneranit ukiut 3 tikillugit sivisussuseqartumik. Taamaalilluni pisinnaatitaanermik pigisaqartup periarfissarissavaa piffissami ukiunik 3-nik sivisussusilimmi

misissueqqaarnini tuniniassallugit taamalu paasissutissanik katersinermut niuernerpalaartumik tunngavissaqassalluni inernerit suliffeqarfinnut erngup nukinganik isumalluutip aalajangersimasup atornissaanut soqutiginnittunut tuniniaanissani siunertaralugu.

Aalajangersakkap nassataraa Naalackersuisut misissueqqaarnermit inernerit misissueqqaarnerup naaneraniit ukiut 3 qaangiunnerini tamanut saqqummiussinnaagaat. Tamatumunnga tunngaviuvoq inuiaqatigiit eqqarsaatigalugit isumalluutit annaasaqarnerusussamat ilisimatuussutsikkut paasissutissanik aallaqqaataaniit katersueqqilernissaq qinnuteqaateqartup allap erngup nukinganik isumalluummik atuinissani kissaatigippagu.

Imm. 5-imut

Naalackersuisut nalunaarusiornissamut aamma tamatumunnga atatillugu allanut oqaatigeqqusaannginnermut akuersissutini erseqqinnerusumik aalajangersaasinnaapput. Naalackersuisut akuersissutini piumasaqaatinik aalajangersaasinnaapput qanoq akulikitsigisumik aamma qanoq ililluni qanorlu isikkoqartillugu nalunaarusiortoqartassasoq. Pisarneq malillugu isumalluutit uumaatsunik atuneq pillugu akuersissutit ingerlatsinermi nalinginnaasumik paasissutissat katersukkat misissuinermilu inernerit pillugit ukiumut ataasiarluni nalunaarusiortoqartassaaq.

§ 5-imut

Imm. 1-imut

Erngup nukinganik isumalluut akuersissummi atorineqartussatut nalunaarutigineqartoq paatsoorneqarsinnaanngitsumik allaaserineqassaaq killilersorneqarlunilu. Killilersorneqarnera piviusumi qinnuteqaammut ataatsimut suliniummullu ataatsimut naleqqiullugu suliarineqassaaq. Allaaserinera killilerneru ilaatigut nunap ilaata kuup imeqarfii nut tatsinullu imilersuisunut ilaasumut nunap assiliorneqarneranik pissuteqarpoq. Nalinginnaasumik nunap ilaani nunap ilusaanik pissuteqassaaq. Atuinissamut akuersissut pillugu taamaallaat qinnuteqarneq § 5-imi malittarisassaliunneqarpoq. Misissueqqaarnissamut akuersissummik nalunaaruteqarnerup pisinnaatitaanermik pigisaqartoq erngup nukinganik isumalluutit paasineqartunik atuisinnaanermut salliutinneqartariaaruppa, soorlu aamma atuinissamut piumasaqaatit aalajangersarneri, taakku ataanni aningaasaqarneq pillugu, atuinissamut akuersissummik nalunaaruteqarnermi ataasiakkaanut atuutinneqartassasut.

Imm. 2-mut

Imm. 2-imi aalajangiineq naapertorlugu atuinissamut akuersissut kisermaassiffigineqartussatut nalunaarutigineqarsinnaavoq imermik isumalluutit pissutsit

pineqartut atuinissamut akuersissummut attuumassuteqartut akuerineqarsinnaasutut naleqquttumik pissuseqarpata. Naleqquttumik pissutsit immikkut ittut ilaatigut tassaasinnaapput pisinnaatitaanermik pigisaqartup atuinissamut akuersissut naapertorlugu suliniutinut pilersaarutaani nukissiorfinnut, aqqusiornernut/attaveqaasiornernut assigisaannulluunniit Kalaallit Nunaanni ilaatigut annertuumik aningaasaliinera ilaasoq. Pisinnaatitaanermik pigisaqartoq annertuumik aningaasaliinerup assigisaatigulluunniit pisariaqartissinnaavaa atuisinnaanermik akuersissutip kisermaassinertut nalunaarutigineqarnera. Assersuutigalugu imaassinnaavoq aningaasaliisussat pingaarutillit pisinnaatitaanermut pigisaqartup atuinissamut suliniutaanut aningaasaleeqataanissaminnut tunuarsimaarsinnaasut, aningaasaliisussat taakku nunap ilaanut tassunga pisinnaatitaaffimmik pigisaqartut allat atuinissamut akuersissummik nalunaarfigineqannginnissaannut qulakkeerunneqarsinnaanngikkunik.

Imm. 3-mut

Imm. 3-mi aalajangersagaq naapertorlugu akuersissummik piffissaliussaq ukiut 40-t tikillugit sivisussuseqarsinnaavoq. Akuersissummi pineqartumi piffissap sivisussusaa suliniut pillugu aningaasaqarniarnerup, suliniutip nalorninarartoqarnerata, utertitsinissamut piffissamik atuinerup il. il. nalilernerit tunngavigalugit aalajangerneqartariaqarpoq.

Inuiaqatigiit aningaasaqarnerata aallaavigineraniit isigalugu aningaasaliisunut utertitsinissamut aningaasaliissutillu ernialersornerinut qularnaarinissamut piffissarititaasoq pisariaqartoq qaangerlugu akuersissummik nalunaaruteqarneq naleqquttuunngissinnaavoq.

Naleqqiussassatut assersuutigalugu Norgemi siusinnerusukkut erngup nukinganik atuinissamut akuersissutit nalunaarutigineqartarput ukiut 99-it tikillugit atuuttussanngorlugit. Ullumikkut Norgemi suliffeqarfinnut namminersortunut akuersissuteqartoqassaarpoq, taamaallaat suliffeqarfinnut pisortanit pigineqartunut piffissami annerpaamik ukiuni 60-ini.

Islandimi siusinnerusukkut piffissamik killiligaanngitsumik akuersissutit nalunaarutigineqartarput, ullumikkulli akuersissutit nalinginnaasumik ukiunut annerpaamik 65-inut nalunaarutigineqartarput. Akuersissutit sivisuumik piffissalernerneqarnissaannut periarfissap erngup nukinganut namminersortunit aningaasaliinissaq pilerinarnerulersittarpaa.

Piffissap sivisussusissaanik aalajangiinikkut nukissiorfiup imaluunniit suliniutip nukissiamik nioqqutissiarineqartumik tigooraasussap teknikikkut aningaasaqarnikkulluunniit qanoq sivisutigisumik atuussinnaanera Naalakkersuisut ilaatigut pingaartissinnaavaat.

Eqqarsaatigisassat assigiinngitsut arlallit allaavigalugit piffissap sivisussusissaanik pineqartumut aalajangiisoqassaaq: Pisinnaatitaanermut piginnittoq aningaasaliisutit

ernialersornerisalu utertinnissaannut periarfissaqassaaq. Erngup nukinganik nukissiorfik ingerlatseqatigiiffimmit ataasiinnarmit pigineqarpat taamaannera aningaasaqarnikkut erseqqissarneqartumik nalorninarartoqarsinnaavoq tamatumalu sivisunerusumik akuersissummik atuutsitsinissaq taperserpaa.

Imm. 4-mut

Imm. 4-mi, nr. 1 aalajangersakkami taaneqarpoq atuinissamut akuersissummi erngup atuinissamut akuersissut naapertorlugu qanoq annertutigisup tiguineqarnissaa pillugu piunasaqaatit aalajangerneqassasut (atuinermi annertussuseq).

Aalajangersakkami siunertarineqarpoq siunissami atuinissamut akuersissummi ataatsimut isigalugu atuinissamut akuersissut naapertorlugu erngup atorneqarsinnaasup annerpaaffissaanut piunasaqaatit aalajangerneqassasut qularnaarneqassasooq (atuinermi annertussuseq). Ataatsimut isigalugu atuinermi annertussuseq aalajangerneqassaaq tassaassasut ukiumut liiterit kubikmeterilluunniit aalajangersimasumik annertussusillit.

Aalajangersagaq immikkut isumaqalissaaq siunnersuummi § 13, imm. 1-imut atatillugu, tamatuma kingunerisaanik atuinissamut akuersissut aallaavittut 2-nut amerlanernulluunniit nalunaarutigineqarsinnaalissammat, isumalluut pineqartoq tamatumunnga periarfissaqassappat. Taamaalilluni Kalaallit Nunaanni imermik isumalluutit pitsaanerpaamik naleqqunnerpaamillu atorneqarnissaat qularnaarneqassaaq.

Pisinnaatitaanermik pigisaqartut qassit erngup nukinganik isumalluummik ataatsimik atuisinnaanissaat nalilerniarlugu ataatsimut isigalugu atuinissamut akuersissut naapertorlugu erngup atorneqartussap annertunerpaaffissaa pillugu piunasaqarnissaaq (atuinermi annertussuseq) pisariaqarpoq.

Pissutsit erseqqinnerusut atuinissaaq tamatumunngalu atatillugu suliniutit pillugit atuinissamut pilersaarummi Naalakkersuisunit akuerineqartussami aalajangerneqassapput. Siunnersuummi § 19 taassumunngalu nassuiaatit ataatsimut isigalugu innersuussutigineqarput. Taamaalilluni qinnuteqartoq pisussaassaaq pisariaqartunik naatsorsuissalluni, naatsorsuinerillu taakku § 19 imm. 1-imi aalajangersagaq naapertorlugu atuinissamut akuersissummik qinnuteqarnermi ilanngunneqassapput.

Imm. 4, nr. 1-imi imermik tigusineq minnerpaaq annertunerpaarlunniit pillugu aalajangersagaq imm. 4, nr. 3-mi ukiumoortumik nukissiornermut annikinnerpaamut piunasaqaatit pillugit aalajangersakkamut naleqqiukkaanni immikkut isumaqalissaaq, siunnersuut naapertorlugu malittarisassatut pingaarnertut erngup nukinganik atuinissamut nalunaaruteqarneq erngup nukinganik isumalluummut ataatsimut kisermaassilluni

atuinissamut akuersissutitut nalunaarutigingikkaanni. Atuinissamut akuersissut kisermaassilluni atuinissatut nalunaarutigineqanngippat erngup nukinganik isumalluummik ingerlatsineq aamma imermik tigusinissamut agguaassineq malittarisassatut pingaarnertut pissaaq atuinissamut pisinnaatitaanermik erngup nukinganik isumalluummut tassunga tuungatinneqartunik tullerriiarinikkut. Tassunga atatillugu kingunerisaanik pingaaruteqassaaq pisinnaatitaanermik pigisaqartoq ukiut tullerriiaat ingerlanerini nukissiorneq ataavartoq ingerlanneraa, tassani eqqarsaatigineqarpoq atuinissamut akuersissummi piumasaqaatinik aalajangiinermi naatsorsuutigalugu minnerpaamik annerpaamillu annertussusilimmik nukissiornerup annertussusaa.

Imeqarfiup imaata qutsissusaata minnerpaaffissaanik imm. 4, nr. 2 malillugu piumasaqaatinik aalajangiinikkut imeqarfiup atorneqarnissaanut killiliisoqarpoq taamalu erngup atorneqartup imeqarfimmillu immiilluni kuuttoqarnerup ataqatigiinnerat qularnaarneqassaaq. Tamatuma kinguneraa imeqarfiup imaata qutsissusaa aalajangersimasumik apparpat erngup nukinganik nukissiorneq unitsinneqassaaq kuuffigineqarnermit masannartuliornermillu erngup qaavata akuerineqarsinnaasumik qaffatsinneqarnissaata tungaanut. Taamaalilluni imeqarfiup imaarneqarnissaa pinngitsoorneqassaaq.

Imm. 5-imut

Imm. 4-mi piumasaqaatit aalajangersimasut allanngortinneqarpata imermik isumalluutip annertussusaata allannguuteqarnera silaannaap imaluunniit allat pinngortitap pilersitaanik allannguuteqartoqarpat Naalakkersuisunit pingaartinneqassaaq. Aammalu Naalakkersuisut piumasaqaatinik aalajangersimasunik allannguisinnaapput pisinnaatitaanermik pigisaqartoq piffissami sivisuumi nukissiummik annikinnerusumik tunisassiorsimappat akuersissummi aalajangikkami ukiumut annikinnerpaaffissaliinermi anikinnerusumik nukissiummik tunisassiorsimappat.

§ 6-imut

Imm. 1-imut

§ 6 imm. 1-imi aalajangersakkami siunertarineqarpoq pisinnaatitaanermik pigisaqartoq atuinissamut akuersissuteqareernikkut nunap ilaani killilikkami erngup nukinganik isumalluummik atuinani tigumminnissanngitsoq qularnaassallugu. Taamaalilluni ataatsimut isigalugu pisinnaatitaanermik pigisaqartoq atuinissamut akuersissummik tunineqareernermigut pisussaatitaavoq pisariaqanngitsumik kinguartoornani atuinissamut suliniutinik aallarniissalluni.

Piffissami akuersissutaasup aallarnisarfiani nunap ilaani killilikkami akuersiviusumi misissuinissamik aamma illuutinik, nukissiorfinnik aamma atortunik allanillu

sanaartornissamik akuttunngitsumik pisariaqartitsisoqartassaaq. Taamaattumik ataatsimut isigalugu pisinnaatitaanermik pigisaqartoq naammaginartumik piffissaqatinneqartariaqarpoq misissuinerinik attuumassutilinnik ingerlatsinissaminut aamma illuutinik, nukissiorfinnik aamma atortunik allanillu sanaartornissaminut akuersissutip tiguinerani pisussaaffigalugu atuinissamik aallartitsinnginnermini. Pisinnaatitaanermik pigisaqartoq sanaartornerup aallartinnissaanut akuersissummik nalunaarutiginninnerup kingorna ukiut 3-t tikillugit piffissaqartitaavoq aamma nukissiornerup aallartinnissaanut katillugit ukiut 6-it tikillugit piffissaqartitaalluni.

Imm. 2-mut

Taamaalilluni akuersissutini aalajangerneqarsinnaavoq imm. 1 naapertorlugu piffissarititaasut malinneqanngippata pisinnaatitaaffimmik tigumiaqartup pisussaaffini isumaginngikkaa, tamannalu akuersissummik annaasaqarnermik tunngaviusinnaavoq. Aalajangersagaq naapertorlugu Naalakkersuisut akuersissummik utertitsinnagit piginnaatitaaffimmik pigisaqartoq aqqiinissamut piffissalerlugu naalakkerneqassaaq, takuuk § 11, imm. 5-imut nassuiaatit.

Imm. 3-mut

Pisinnaatitaanermik pigisaqartup akuersissut naapertorlugu akuersissummi piunasaqaataasutut ukiut 6-it qaangiutsinnagit atuinissaq aallarnersimanngippagu Naalakkersuisut ukiuni 3-ni piffissamik sivitsuinerinik nalunaaruteqarsinnaapput, takuuk imm. 1, oqaaseqaatit suilliit. Piffissamik sivitsuinerinik qinnuteqaatip taamaattup akuerinissaanut Naalakkersuisut pisussaataannngillat. Taamaattorli atuinissamut akuersissummik nalunaaruteqarnermit atuinissamik aallarniissamut piffissarititaasup ukiut 6-it qaangersinnaanngilai. Naalakkersuisut piffissaliussap sivitsorneranik immikkut piunasaqarsinnaapput, pisinnaatitaanermik pigisaqartoq uppersaassasoq aningaasaqarnermut teknikimullu piginnaasaqartoq nukissiuuteqarfiup aallartinnissaa piffissaliussap sivitsorneqartup iluani pisinnaassasoq.

§ 7-imut

Imm. 1-imut

Atuinerinik suliniuteqarnermut atatillugu pisinnaatitaanermik pigisaqartoq pisussatitaavoq nalunaarutinik misissuinerillu inernerinik tunniussissalluni. Aalajangersagaq naapertorlugu pisinnaatitaanermik pigisaqartoq suliaqarneq naammassineqartoq suliniutillu inernerinik pillugit ingerlaavartumik nalunaarusiortassaaq. Nalunaarusiornissamut piunasaqaatit, taakku ataanni assersuutigalugu qanoq iluseqarnissaa, qanoq akulikitsiginissaa imarisassaa akuersissummi aalajangerneqassaaq. Tamatuma saniatigut akuersissummi nalunaarusiornissaq aamma inernerinik pillugit allanut oqaatigeqqunngisaanermut piunasaqaat erseqqinnerusumik

aalajangersarneqassaaq.

Imm. 2-mut

Allanut oqaatigeqqunngisaaneq pillugu malittarisassanik aalajangersaanissaq pisariaqarpoq, paasissutissat ilaat inuussutissarsiornikkut isertugaataasutut taaneqarsinnaammata allanut pissusissamisuumngitsumik iluaqutaasussat Naalakkersuisut pisussaatalissappata taakkuninnga tunniussinissaminnut assersuutigalugu allagaatinik takunnissinnaanissamut qinnuteqartoqarneratigut.

Aalajangersagaq pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaannut naapertuuppoq, § 3 imm. 1-imi allassimammat ”Naalakkersuisut malittarisassanik aalajangersaasinnaapput oqartussat, suliassaqarfiit allakkialluunniit ilaasa sukumiinerusumik nalunaarneqarsimasut inatsimmut ilaatinneqannginnissaannik, §§ 7-14-imi aalajangersakkat nalinnginnaasumik kingunerissappassuk paasitinneqarsinnaatitaanermik qinnuteqaat itigartinneqarsinnaasoq.

Nalunaarusiat pineqartut aallaavimmikkut pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni §§ 12-14-imi aallaaveqarsinnaapput. Siunnersuummi allanut oqaatigeqqunngisamik malittarisassaqaarneq tunngaveqarpoq oqartussaasunik allanik paasissutissat pillugit paarlaasseqatigiittoqarnissaa pisariaqartinneqassammat.

Imm. 3-mut

Atuinissamut akuersissummi Naalakkersuisut nalunaarusiornissamut piumasaqaatinik erseqqinnerusumik aalajangiisinnaapput kiisalu tassunga atatillugu allanut oqaatigeqqunngisaaneq ilanngullugu. Assersuutigalugu tassaasinnaapput nalunaarusiornermi ilutsit imarisallu pillugit piumasaqaatit, taakku ataanni assersuutigalugu qanoq annertutigisumik itisiliisoqarnissaa ukiumullu nalunaarusiat suliarineqartut qassiunissaat.

§ 8-mut

Imm. 1-imut

§ 8 imm. 1-imi aalajangersakkap Erngup nukingata nukissiornermut atorineqartarnera pillugu Inatsisartut inatsisaanni atuuttumi § 8 imm. 1-imi aalajangersagaq annertuumik assigiissuteqarfigaa, taamaattoq siunnersuutigineqarpoq ”*imaluunniit ... ingerlatseqatigiiffeqariaatsinut assingusunut*” peerneqassasoq. Ingerlatseqatigiiffeqariaatsit nalinginnaasut A/S aamma ApS tassaapput aaqqissuussinermut sinaakkutissat ilisimaneqartut aamma tamatumani atuinissamik akuersissut taamaallaat ingerlatseqatigiiffeqariaatsinut ilisimaneqartunut taakkununnga nalunaarutigineqartussaasinnaappat oqartussaasunit

suliarinnineq pisariinnerusooq pilersinneqassaaq. Tamatuma saniatigut atuinissamut akuersissummik nalunaartoqarsinnaavoq suliffeqarfimmut namminersortitamut pisortanit pigineqartumut. Suliffeqarfimmut namminersortitamut Pisortanit pigineqartup ilanngunneqarneratigut Inatsisartut inatsisaanni maleruagassat tunngavigalugit Nukissiorfiit atuinissamut akuersissummik nalunaarfigineqarsinnaalissapput. Nukissiorfiit naatsorsuutininik saqqummiussaqaassaaq inatsisilerinermut tunngasutigut inuk ataaseq inuussutissarsiortutut nammineq isertitalik aningaasaatilillu. Taamaattumik pissusissamisoorpoq Nukissiorfiit Inatsisartut inatsisaat naapertorlugu erngup nukinganik atuinissamut akuersissummik nalunaarfigineqarsinnaammat. Aamma tamatuma nassatarissavaa erngup nukinganik isumalluummut aalajangersimasooq nunap ilaani immikkoortumik killilikkamiittumut atuinissamik Nukissiorfiit pisinnaatitaanermik nalunaarfigineqarsinnaammata aamma Nukissiorfiit pisinnaatitaanerit nalunaarutigineqarsimasut Kalaallit Nunaani Eqqartuussivimmut nalunaarsuinikkut atortuutissinnaallugit qularnaarlugillu.

Aalajangersakkami ingerlatseqatigiiffinnut atuinissamut akuersissummik qinnuteqartunut piunasaqaatit nalunaarsorneqarput.

Ingerlatseqatigiiffiit il. il. misissueqqaarnermik ingerlatsisut aalajangersakkami ilaatinneqanngillat aamma ingerlatseqatigiiffik misissueqqaarnermik ingerlatsissaguni Kalaallit Nunaanni angerlarsimaffeqarnissaa piunasaqaatigineqanngilaq. Tamatumuuna qularnaarneqarniarpoq misissueqqaarnerit sapinngisamik ingerlatseqatigiiffinnit assigiinngitsunit amerlasuunit ingerlanneqarsinnaassasoq. Maannakkutut aamma piunasaqaataavoq ingerlatseqatigiiffik suliamut tunngasunut piunasaqaataasunik naammattumik ilisimasaqaassasoq aningaasaqarnikkullu tunuliaqutaqaassasoq. Taamatut piunasaqarnerup qulakkiissavaa pisinnaatitaanermut piginnittup erngup nukinganik isumalluutit naleqquttumik atornerqarsinnaaneri pissutsini assingusuni nunat tamalaat akornini ajunngitsumik sulisaaseq malillugu § 1-imi ataatsimut isigalugu siunertaasoq naammassisinnaassagaa.

Imm. 2-mut

§ 8, imm. 2-mi aalajangersakkap Erntrup nukingata nukissiornermut atornerqartarnera pillugu Inatsisartut inatsisaanni atuuttumi § 8, imm. 2-mi aalajangersagaq assigaa, taamaattorli siunnersuutigineqarpoq pilersuinerimi aqquersuutininik piginnittuunissamut piunasaqaat peerneqassasoq. Taamaalilluni pisinnaatitaanermut piginnittoq erngullu nukinganik nukissiorfimmik piginnittoq innaallagissamik pisisussamik annerusumik, tassaasinnaasumik Nukissiorfiit imaluunniit suliffissuaqarnikkut innaallagissamik pisisartumik annerusumik isumaqatigiinniarnermi pituttugaannginnerussapput. Suliamut akuusut annerusumik periarfissaqaassapput pisumi aalajangersimasumi naleqqunnerpaamik aqqissuussineq isumaqatigiissuteqarfigissallugu. Kisianni pilersuinerimi aqquersuutininik sanaartornissamut

akuersissuteqarnissamut tunisassiornermi sanaartormilu pilersaarutit
akuersissutigineqarnissaannut ilaattut tamatigut piumasaqaataassaaq Inatsisartut inatsisaanni §
19, imm. 2-mi aalajangersagaq naapertorlugu Naalakkersuisut akuersinerat.

§ 9-mut

Aalajangersakkap sammivai erngup nukingata nukissiornermut atorneqartarneranut
misissueqqaarnissamut atuinissamullu akuersissuteqarnermi aalajangersakkat piumasaqaatillu
pillugit aalajangiinerit. Inatsisartut inatsisaata nangippaa erngup nukinga pillugu inatsisip
atuuttup sinaakkutaasumik inatsisaaneraniq tunngavigisaa Naalakkersuisunit
immersorneqartoq aalajangersakkatut (nalunaarutitut) ilusilerlugu aamma
akuersissutiginnertut ilusilerlugu aamma misissueqqaarnissamut atuinissamullu
akuersissuteqarnissamut piviusumik piumasaqaatitut ilusilerlugu.

Naalakkersuisut erngup nukinganiq isumalluutit nukissiornermut atorneqartarnerinut
misissueqqaarnissamut atornissaannullu akuersissutinut aalajangersakkat (assersuutigalugu
nalunaarutini) aamma piumasaqaatit (assersuutigalugu akuersissutitut ilusilerlugu imaluunniit
piviusumik akuersissutinngorlugu) aalajangersarsinnaavaat. Naalakkersuisut
aalajangersaasinnaanerata akuersissutinut tunniunneqareersunut piumasaqaatit
allannortinnissaat malitsiginngilaa. Misissueqqaarnissamut atuinissamulluunniit
akuersineranut piumasaqaatit pillugit Naalakkersuisut nutaanik aalajangersaappata
aalajangersakkat taamaallaat siunissami akuersissutinut atuutissapput.

Aalajangersakkap oqaasiliorerani ”taakku ataanni”-mi erseqqissarneqarpoq sammisat
Naalakkersuisut aalajangersaaffigineqarsinnaasut akuersissuteqarnermilu
piumasaqarfiusinnaasut tamakkiisut pineqanngimmata. Soorlu erngup nukinga pillugu inatsit
atuuttoq naapertorlugu Naalakkersuisut pissutsit arlallit pillugit aalajangersaasinnaapput
akuersissuteqarnissamullu piumasaqarsinnaallutik, assersuutigalugu makkuusinnaasunik:

Nr. 1-imut

Naalakkersuisut misissueqqaarnissamut iliuusissat ilusilerneqarnissaannut piumasaqaatinik
aalajangersaasinnaapput. Assersuutigalugu taaneqarsinnaavoq misissueqqaarnermut periaatsit
immikkut ittut atorneqassasut. Naalakkersuisut misissueqqaarnermik aallarnisaanissamut
ingerlatsinissamullu piffissamik kililikkamik atuinissaq pillugu suliarinninnermut
akuersineramullu piumasaqaatinut aalajangersaasinnaapput. Naalakkersuisut killiliussat pillugit
aalajangersaasinnaapput. Killiussat assersuutigalugu tassaasinnaapput qinnuteqaatit
tunniunnissaannut ulloq immikkut aalajangersimasoq. Aamma tassaasinnaapput piffissat
immikkoortumik anguniakkanik angusiffiusussat.

Nr. 2-mut

Naalackersuisut atuinissamut akuersissummi piumasaqarsinnaapput pisortat innaallagissamut aqqutaanut imaluunniit pisisussanut namminersortunut assersuutigalugu aatsitassarsiorfimmu tunniussineq pillugu isumaqatigiissutinik atsiortoqassasoq. Misissueqqaarnissamut imaluunniit atuinissamut akuersissummut piviusumut ilusiliinissamut ilaatigut apeqqutaatinneqassapput illoqarfimmi qanittumi inuiaqatigiit aamma innaallagissamik pilersuineramik pioreersumik ataqatigiissaarineq. Isumaqatigiissummik atsiortoqarsimangippat Naalackersuisut pisinnaatitaanermik pigisaqartoq naalackersinnaavaat nukissiornermut atorneqartussamit sinneruttoq pisortat innaallagissamut aqqutaanut imaluunniit pisisussamut namminersortumut tunniutissagaa. Erngup nukinganik nukissiorneq suliffissuaqarnikkut nioqutissiornermut atorneqarpat nukissiap tunniunneqartup annertussusaata inuiaqatigiinni atuinermut pisariaqartitsineq qaangersinnaangilaa. Nukissiap ilaa taanna pisortat innaallagissamut aqqutaanut imaluunniit pisisartunut namminersortunut tunniunneqartussa aalajangerneqassaaq piviusumik missingiineq tunngavigalugu qanoq annertutigisoq pisariaqartinneqarnersoq aallaavigalugu. Killiliineq aalajangerneqarpoq innaallagissamik pisortanut tunisineq tunisassiamik suliffissuaqarnikkut tunisassiornermut nukissiornermut atasumut annaasaqarsinnaanermik kinguneqarmat, taamalu pisinnaatitaanermut pigisaqartumut annertuumik nammakkiinermik nassataqarsinnaalluni. Nukissiuut suliffissuaqarnermi tunisassiornermut atorneqarpat, Naalackersuisullu pisinnaatitaanermik piginnittoq naalakkerpassuk pisortanut imaluunniit ingerlatsiffiusumut pisortanit tamakkiisumik imaluunniit ilaannakortumik pigineqartumut innaallagissamik tunniussissasoq, taava Naalackersuisut piumasaqaatinik aalajangersaasinnaapput innaallagissamut tunineqartumut akigititaasoq naatsorsorneqassasoq tunisassiornermi aningaasartuutit aamma pisinnaatitaanermut pigisaqartup naammaginartumik sinneqartooruteqarnissaa aallaavigalugit. Akigititaasumut sannaasoq toqqarneqarpoq inuiaqatigiit nukissiarineqartumik naammaginartumik akilerlugu pisisinnaanissamut soqutiginninnerat suliffissuaqarnikkut nukissior tup nukissiummut tassunga soqutigisaanut naleqqussaammat.

Nr. 3-mut

Naalackersuisut atuinissamut akuersissummi piumasaqaatinik aalajangersaasinnaapput Nukissiorfiit aamma pisinnaatitaanermik pigisaqartup namminersortup akornini illugiillutik sillimmataasumik nukissior nissamut pisinnaanermut isumaqatigiissummik atsiortoqassasoq. Isumaqatigiissutit taamaattut pilersugaanikkut annertussutsikkut piginnaasanik qularnaarinissamik tunngaveqarput aamma nukissiornerup pitsaanerpaamik ineriartortinnissaa anguniarneqarluni.

Nr. 4-mut

Misissueqqaarnissamut imaluunniit atuinissamut suliniuteqarnermut pineqartumut atatillugu suliassat ingerlatsisoqarfiup aaqqissuussinikkut, aningaasaqarnikkut aamma teknikikkut

kivitsisinnaanermut uppersaateqarnissaq pillugu aalajangersakkanik Naalackersuisut aalajangersaasinnaapput. Imm. 1-imi, nr. 4-ami siunnersuutitut aalajangersakkami pisinnaatitaanermut pigisaqartoq misissueqqaarnissamut imaluunniit atuinissamut suliniuteqarnissamut piumasaqaatini naammaginartumik suliamut ilisimasaqassaaq aningaasaqarnikkullu tunuliaqutaqarluni. Suliamut tunngasunik ilisimasaqarnissaq aningaasaqarnikkullu tunuliaqutaqarnissaq aalajangersimasumik pisumi piumasarineqartumut apeqqutaassaaq suliniutaasut qanoq annertutiginerat, qanoq pisariutiginerat nalorninartoqartiginersorlu. Suliniutaasut annertussusaat qanoq ittuuneri aamma piumasaqaataasinnaasut qanoq ittuunerisa akornini naleqqiussineq naleqquttuussaaq. Misissueqqaarnissamut suliniutinut piumasaqaatit pissutsimikkut annertuumik allaassuteqassapput nammatassatigullu atuinermut suliniutinut piumasaqaatinit annikinnerungaassallutik.

Assersuutigalugu piumasaqaatinik aalajangersaasoqarsinnaavoq aaqqissuussinikkut teknikikkullu piginnaasat ima ilillutik uppersarneqassasut:

a) siornatigut suliarisimasanut takussutissat b) teknikikkut siunnersuisut pillugit paasissutissat c) pitsaassutsimut qularnaarinissamut periaatsit pillugit paasissutissat d) nakkutilliineq pillugu aaqqiissutinik paasissutissat e) suleqataasut pingaarnerit sulianut tunngasunik pisinnaasaat pillugit paasissutissat f) avatangiisit pillugit aqutsinermut periaatsit pillugit paasissutissat g) sulisussat qanoq amerlatiginerinik isumalluuteqarneq pillugu paasissutissat h) sanaartortunut pilersuisuusinnaasut allat pillugit paasissutissat.

Nangillugu misissueqqaarnermut imaluunniit atuinissamut akuersissummi ingerlatsiveqarfimmut aningaasalersorneqarneq aamma aningaasaqarnikkut tunuliaqutaq pillugit piumasaqaatit, aalajangersakkat aamma atugassarititat aalajangersarneqarsinnaapput. Taamaattumik misissueqqaarnermut imaluunniit atuinissamut akuersissummi pingaarutilimmik piumasaqaataavoq qinnuteqartup akuersissuteqarnermut atatillugu naatsorsuutigalugu ingerlatsinissap naammassineqarnissanut pisariaqartumik qularnaveeqqusiisinaanera.

Nr. 5-imut

Pissutsit immikkut ittut pillugit Naalackersuinut nalunaaruteqarnissamut aalajangiisoqarsinnaavoq piumasaqaateqartoqarsinnaallunilu. Tamanna assersuutigalugu tassaasinnaavoq nukissiummik unittoorneq, pisinnaatitaanermik pigisaqarluni ingerlatsiviup aaqqissugaanerata imaluunniit piginnittoqarnerata allanngortinneqarnera, kiisalu pissutsit allat pingaarutillit nalunaarutiginnittussamut pisariaqartitsiviusut pillugit. Kiisalu qularnaveeqqusiinerit immikkut ittut ingerlatsiveqarfiup tunniuttariaqagai pillugit piumasaqaatit aalajangersarneqarsinnaapput. Tamanna assersuutigalugu tassaasinnaasoq akuersissutip ingerlatsivimmut nutaamut tunniunneqarnermut atatillugu qularnaveeqqutit.

Nr. 6-imut

Aalajangersakkami immikkut sammineqarput avatangiisinut aamma isumannaatsuunissamut isumagisassatut eqqarsaatigisassat aamma matuneqarnermi atuinermullu suliaqarnerup unitsinneqarnerani iluarsaassinerup qularnaarneqarnissaa eqqarsaatigisassat siunnersuutip siunertatut aalajangersarneqarnerani allassimasut, takuuk § 1, malillugit.

Naalackersuisut iluarsaassinermut nukissiorfiillu piiarneqarneranut aalajangersaasinnaavoq. Kiisalu assersuutigalugu nukissiorfiup piiarneqarneranut periaaseq imaluunniit atortut atorneqaqqissinnaasut pillugit aalajangersaasoqarsinnaavoq.

Nr. 7-imut

Naalackersuisut pissutsit tiguneqarsinnaasut qanoq pissuseqarsimanerinit utertinnissaat pillugu aalajangersaasinnaapput. Assersuutigalugu taaneqarsinnaavoq naasoqarfiit immikkut ittut pissusaannut uterteqqinneri. Aamma piumasaaqatigineqarsinnaavoq sapusiat atortullu tassunga atasut peerneqassasut. Naalackersuisut pinngortitap nunap ilaaniittup atuinermut atatillugu suliniuteqarnikkut sunnerneqarsimasinnaasup ataqatigiissumik aqqissuussamik nakkutigineqarnissaanut aalajangersaasinnaapput. Kiisalu aningaasaqarnikkut qularnaveeqqusiisoqarnissaa pillugu piumasaaqartoqarsinnaavoq imaassinnaavoq aningaaserivinnit qularnaveeqqusiinikkut imaluunniit aningaasanik toqqorsinikkut.

Nr. 8-mut

Naalackersuisut aalajangersaasinnaapput Naalackersuisut aamma pisinnaatitaanermut pigisaqartup akornini akuersissummi piumasaaqatit ilaat ataaseq naammassineqarsimanersoq naammassineqarsimannginnorsorluunniit pillugu isumaqatigiinnngissuteqartoqassappat tamanna isumaqatigiissitsiniarnikkut eqqartuussivimmuut tunniunneqassasoq. Isumaqatigiissitsiniarnermut piumasaaqatit akuersissutitut ilusissami ersersinneqassaaq soorlu aamma suliniummut atuinissamut akuersissut piviusoq ersersinneqassasoq. Taamaalluni pisinnaatitaanermik pigisaqartup isumaqatigiissitsiniarnermut pimasaaqatit siusissumik ilisimalersinnaavai.

§ 10-mut

Imm. 1-imut

Aalajangersakkap erngup nukinga pillugu inatsisip atuuttup § 11, imm. 4 assigaa. Akiligassaq tunngavissat assigiinnngitsut malillugit aalajangersarneqarsinnaavoq. Assersuutigalugu erngup nukinganik isumalluutip angissusia aalajangersimasoq malillugu (annertussutsimut akiliut) akiligassaasinnaavoq. Tassani assersuutigalugu akuersissutit isumalluutinit tamarmiusunut atuunnerani pissaq. Aamma isumalluutinit aalajangersimasumik atuinermut akiliummut tunngasinnaavoq (atuinermut akiliut). Matumani nalinginnaasumik pisinnaatitaaffimmik pigisaqartup taamaallaat isumalluutit ilaannaanik

atuinissamut akuersissummik peqarnissaa eqqarsaatigineqarpoq. Naalakkersuisut aamma toqqarsinnaavaat ukiumoortumik akiligassamik akiliisoqassaaq nioqqutissiarineqartoq malillugu (nioqqutissiornermut akiliut). Periarfissaq taanna § 5 imm. 4-mi aalajangersakkamut attuumalluinnassaaq, tamatuma nassatarisaanik atuinissamut akuersissummi ukiumoortumik nukissiornerup minnerpaaffissaa imermillu atuinerup minnerpaaffissaa aalajangersorneqassallutik.

§ 10, imm. 1 aamma 2-mi aalajangersakkami oqaasertaliinerup ”akiliutissanik...akiliineq”-up assigisaa Qallunaat Nunaanni nunap ataa pillugu inatsimmiippoq, taamaalillunilu erseqqissarneqarpoq akileraarutininik akileeqqusinerunngimmat. Aalajangersagaq tassunga assingusooq aatsitassat pillugit ingerlatallu tamatumunnga pingaarutillit pillugit inatsisartut inatsisaanni § 17-imiippoq. § 10, imm. 1 malillugu taassuma ataani akuersissutini aalajangersarneqarsinnaavoq pisinnaatitaanermik pigisaqartoq akiliutissamik akiliisassasoq erngup nukinganik isumalluutip akuersissummi ilaatinneqartup annertussusaa malillugu annertussusilimmik (annertussutsimut akiliut), erngup nukinganik isumalluutip piviusumik atornerqarnera malillugu (atuinermut akiliut) imaluunniit nukissiuut nioqqutissiarineqartoq malillugu (tunisassiornermut akiliut). § 10, imm. 1 imaluunniit imm. 2 malillugu akiliutinik akiliinissaaq piumasaqaatigineqassappat tamanna akuersissummi piviusumi allassimassaaq, pisinnaatitaanermik pigisaqartup siumungaaq akiliutissanik akiliinissamut piumasaqaatit ilisimareerniassammagit. Akuersissutip nalunaarutigineqarnerata kingornatigut akiliutinik akiliinissamut piumasaqaat aalajangerneqarsinnaanngillat allanngortinneqarsinnaanatilluunniit.

Imm. 2-mut

§ 10, imm. 2-mi aalajangersagaq malillugu ingerlatsiveqarfiup kaaviiartitai imaluunniit sinneqartoorutai malillugit akiligassiisoqarsinnaavoq (iluanaarutinut akiliut). Akiliutissaaq aamma tunngavigisat taaneqartut katiternerini tunngavigalugit aalajangerneqarsinnaavoq. Imm. 1 imaluunniit imm. 2 malillugu akiliutissamik akiliinissamut piumasaqaatit aalajangersarneqarpata akuersissummi piviusumi tamanna taaneqassaaq pisinnaatitaanermut pigisaqartup akiliutinik akiliinissamut piumasaqaatit siumoortumik ilisimariissammagit. Akuersissut atuutilereerpat akiliutissanik akiliinissamut piumasaqaatit pisinnaatitaanermut pigisaqartumut ajoqutaasumik aalajangersarneqarsinnaanngillat allanngortinneqarsinnaanatilluunniit.

Imm. 3-mut

§ 10 imm. 3-mi aalajangersagaq naapertorlugu akileraaruteqartitsinnginnissaaq pissappat piumasaqaataavoq siunnersuummi § 10, imm. 1 imaluunniit 2-mi aalajangersagaq naapertorlugu atuinissamut akuersissummi akiliutissaaq aalajangerneqassasoq.

Akileraaruteqartitsinnginnissaq atuuppoq suliffeqarfimmut atuinissamut akuersissuteqarfiusumut, t. i. pisinnaatitaaffimmik pigisaqartup erngup nukinganik isumalluummik atuisuusumut. Aalajangersakkami erseqqissarneqarpoq akileraaruteqartitsinnginnissaq tamakkiisumik imaluunniit ilaannakortumik nalunaarutigineqarsinnaasoq, taassuma ataani piffissamut aalajangersimasumut imaluunniit pissutsinut aalajangersimasunut tunngasuusinnaasoq.

Imm. 4-mut

Imm. 3-mi piginnaatitsinermut aalajangiineq atussagaanni pisuni tamani ataasiakkaani akileraaruteqartitsinnginnissamut akuersinissaq sioqqullugu aningaasanut inatsimmi oqaasertaliussamik ilanngussisoqarnissaa tunngaviuvoq. Piginnaatitaanermik pigisaqartumut akileraarnermut nammakkiussat malittarisassaliuunnissaannut aalajangersagaq inatsisitigut piviusumik tunngaviliisuvoq. Ilimagineqarpoq erngup nukinganik isumalluutitik atuinissamut akuersissutit amerlassusissaat killeqassasut, taamaattumik ikittuinnarni piviusunilu aningaasanut inatsimmi oqaasertaliussamik ilanngussisoqarnissaanik qinnuteqartoqartassasoq ilimagineqarpoq.

§ 11-mut

Imm. 1 aamma 2-mut

Naalakkersuisut pisinnaatitaanermut pigisaqartumut aalajangersaasinnaapput akuersissuteqarnermullu piumasaqaateqarsinnaallutik qanoq annertutigisumik sulisut kalaallit ingerlatsisoqarfiillu kalaallit pigineqartut atorneqassanersut. Naalakkersuisut tamanna pillugu aalajangersakkani, akuersissutitut ilutsini aamma akuersissutinut piumasaqaatini aalajangiisinaapput.

Taamaattorli pisinnaatitaanermut pigisaqartoq nunat allamiunik sulisoqarsinnaavoq sulisunik kalaallit naammattumik amerlassusilinnik imaluunniit piginnaasanik piumasarineqartunik naammassinnissinnaasunik peqanngippat. Assinganik ingerlatsiveqarfiit nunat allaneersut atorneqarsinnaapput teknikikkut imaluunniit niuernerpalaarnikkut kalaallit ingerlatsiveqarfii unammillersinnaanngippata.

Imm. 3-mut

Naalakkersuisut aalajangersaasinnaapput pisinnaatitaanermut pigisaqartumut malittarisassanik akuersissutinillu kalaallit suliffeqarfii pilersuisullu qanoq annertutigisumik atornissaannik. Naalakkersuisut malittarisassani akuersissutinilu tamanna aalajangersarsinnaavaat. Pisinnaatitaanermut pigisaqartorli nunat allamiut suliffeqarfiinik atuisinnaavoq, kalaallit suliffeqarfiutaat teknikikkut aningaasaqarnikkullu unammillersinnaanngippata.

Aalajangersakkap pingaarnertut assigaa aatsitassat pillugit inatsimmi atuuttumi § 16, imm. 2. Taamaattumik pinngitsoornani kalaallit ingerlatsiveqarfiinik atuinissaq pisinnaatitaanermut pigisaqartumut akuersissummi aalajangerneqarsimanera naapertorlugu pisussaaffiuvoq, § 11, imm. 3, naggatit 2-anni pissutsit taaneqartut atuutinngippata.

Kalaallit Nunaata EF-imik aalisarnikkut isumaqatigiissutaata kingunerisaanik aningaasaliissutit malitsigisaanik Kalaallit Nunaat EU-mit ikiorsiissutinik pineq ajorpoq OLT-mik aaqqiineq atuuttoq tunngavigalugu. Kalaallit Nunaata kingusinnerusukku OLT-mik aaqqiinikkut inissisimanini tunngavigalugu aatsitassarsiornikkut suliniutini EU-mit aningaasalerneqarnissaa periarfissaalissappat, taava suliniutinut taamaattunut sullissisussarsiuussinernut atortussanillu tunniussuinissanut peqataanissaq inunnu piviusunut inatsisitigullu sinniisunut tamanut, TEUF-imik isumaqatigiissummi ilaatinneqartunut, piumasaaqatitigut naligiiffiusumik ammasussaassaaq.

Kalaallit Nunaat nunatut imaluunniit naalagaaffiup ilaatut imarpiup illuaniittut EU-mut naleqqiullugu inissisimavoq. Nunat imaluunniit naalagaaffiit ilaasa imarpiup illuatungaaniittut pillugit TEUF-ip angerfigeqatigiissutaani immikkoortortani 198-204-ini malittarisassaniittunut ilaatinneqarneri eqqaassanngikkaanni EU-mi malittarisassat Kalaallit Nunaanni atuutinngillat. OLT-mik malittarisassani kiffartuussinerit pillugit immikkut ittunik malittarisassaqanngilaq. Taamaattorli malittarisassat kinguneraat OLT-mi oqartussaasut naalagaaffinni ilaasortaasuni ingerlatsiveqarfiit, naalagaaffimmut innuttaasut aamma suliffeqarfiit akornini immikkoortitsissanngimmata, aamma OLT-mi oqartussaasut nunani ilaasortaanngitsuni ingerlatsiveqarfiit, naalagaaffimmut innuttaasut aamma suliffeqarfiit sullinneqarnerinit naalagaaffinni ilaasortaasuni ingerlatsiveqarfiit, naalagaaffimmut innuttaasut aamma suliffeqarfiit pitsaannginnerusumik sullisissanngikkaat. Kiisalu Siunnersuisoqatigiit 27. novembari 2001-imi aalajangigaanni (’2001/822/EF) immikkoortortaq 45, imm. 3-mut ilaavoq OLT-p oqartussaasui aalajangersakkanik atuutilersitsinnaasut namminneq innuttaminnut nunaminnilu suliniutinut iluaqutaasussanik nunaminni suliffissaqartitsiniarneq siuarsarniarlugu imaluunniit tapersorsorniarlugu.

Taamaalilluni kalaallinit sulisitsinerit, atortussanik tunniussinerit kiffartuussinerillu aalajangiineq malillugu pingaarnertutinnegarnissaat EU-mi malittarisassanik unioqutitsinerunngilaq.

Imm. 4-mut

Aalajangersakkami qularnaarneqarpoq Naalakkersuisut periarfissaqalissasut akuersissutinik ataatsimut isiginnittunik nalunaarutiginninnissaminnut aalajangersakkami pissutsit taaneqartut misissorneqarnissaannut pisinnaatitaanermik pigisaqartup naalakkerneratigut. Pisinnaatitaanermik pigisaqartoq aamma naalakkerneqarsinnaavoq misissuinerit taakku

ingerlannissaannut ingerlatsiveqarfiit allat isumaqatigiissuteqarfigissagai. Misissuinerit akuersissuteqarnermut piumasaqarnermullu nalunaarutiginninnissamut tunngaviussapput. Imm. 3 aamma 4 malillugit pisinnaatitaanermik piginnittumut akuersissuteqarnissamut piumasaqaatit immikkut ittut pillugit aalajangersarnissaannut atatillugu immikkut pingaaruteqarpoq qanoq annertutigisumik sulisut kalaallit ingerlatsisoqarfiillu kalaallinit pigineqartut atorneqassanersut.

Imm. 5-imut

Akuersissutini ilaatigut ilanngunneqarsinnaavoq pisinnaatitaanermik piginnittup qanoq ililluni eqquutitsinnginnera akuersissummik annaasaqarnermut peqqutaasinnaanersoq, ilaatigut aamma eqqarsaatigalugu suliffeqarfiup qanoq ittuunera aamma qanoq angitiginera.

Aalajangersakkat akuersissummi aalajangersimasumi takuneqarsinnaassapput suliniummut aalajangersimasumut tassunga naleqqussarsinnaajumallugit. Aalajangersakkani ilanngunneqarsinnaapput peqqussutit aamma iluarsiinissamut piffissamik killigitat pillugit malittarisassat Naalackersuisut akuersissummik uterteqqusinnginnerini. § 11, imm. 5 naapertorlugu Naalackersuisut akuersissutinik nalunaaruteqareernerup kingornatigut atorunnaarsitsineq imaluunniit utertitseqqusineq pillugit nutaanik aalajangersaappata, taava malittarisassat taamaallaat siunissami akuersissutinut atuutissapput.

§ 12-imut

Imm. 1 aamma 2-mut

Aalajangersakkap assigaa § 11, imm. 3, Erngup nukingata nukissiornermut atorneqartarnera pillugu Inatsisartut inatsisaanni atuuttumiittoq. Aalajangersagaq malillugu pisinnaatitaanermik pigisaqartut allallu inatsimmut attuumassutillit suliap ingerlanneranut allatullu oqartussaasunit inatsisartunit suliarineqarnerata kingorna suliamik ingerlatsinermut aningaasartuutitut inatsisartut inatsisaat malillugu akiliuteqassapput. Akiligassaq akitsuutitut imaluunniit aningaasartuutitut matussutissatut akileeqquneqarsinnaavoq. Aningaasartuutit suliap ingerlanneranut aamma oqartussaasunit suliamik ingerlatsinermut ilaasut, taakku ataanni nakkutilliinermut avataaniillu siunnersorteqarnermut ikiorneqarnernullu aningaasartuutit eqqarsaatigalugit akiligassat aalajangerneqassapput. Tamanna pillugu Naalackersuisut erseqqinnerusumik malittarisassaliorsinnaapput akiligassat imaluunniit aningaasartuutitut matussutissat pillugit aatsitassanut ikummatissanullu sammisaqarfimmi aalajangersarneqartunut assingusunik.

§ 13-imut

Imm. 1-imut

Aalajangersakkami imm. 1-imi siunertarineqarpoq periarfissiissalluni erngup nukinganik isumalluutip nukissiornissamut atornissaanut akuersissutit pisinnaatitsissummik piginnittunut marlunnut imaluunniit amerlanernut nalunaarutigineqarsinnaaneranut imeqarfimmi killilikkami erngup nukinganik isumalluut ima annertutigisumik piukkunnaateqarpat taamatut atorneqarsinnaalluni. Taamaalilluni qularnaarneqassaaq Kalaallit Nunaanni imermik isumalluutit pitsaanerpaamik naleqqunnerpaamillu atorneqassasut, aamma erngup nukinganik isumalluutit piukkunnaataat sapinngisamik maangaannartinneqassanngitsut.

Imm. 2-mut

Siunnersuummi § 13, imm. 2-mit 4-imut imermik isumalluutinik nukissiuutinillu ataatsimut aaqqitamik atuneq pillugu aalajangersakkanik imaqarput. Imermik isumalluutit marluk amerlanerilluunniit pisinnaatitaanermik pigisaqartunit assigiinngitsunit atorneqarpata, kisianni isumalluuteqarnerit, aningaasaqarneq imaluunniit inuiaqatigiit eqqarsaatigalugit ataatsimut aaqqitamik atorneqartariaqarlutik, taava Naalackersuisut pisinnaatitaanermut pigisaqartut isumaqatigiinniartifigereerlugit ataatsimut aaqqitamik atorneqarnissaat pillugu naalakkiummik nalunaaruteqarsinnaapput. Pisinnaatitaanermik pigisaqartut ataatsimut aaqqitamik atuinissamut piumasaqaatinik isumaqatigiissuteqarsinnaanngippata Naalackersuisut tamanna pillugu piumasaqaatinik ataatsimut aaqqitamik atuinissamut naalakkiumminni aalajangersaasinnaapput, takuuk siunnersuummi § 13 imm. 2.

Imm. 3-mut

Siunnersuummi § 13, imm. 2 malillugu Naalackersuisut ataatsimut aaqqitamik atuinermut naalakkiummi piumasaqaatinik piumasaqarsinnaapput pisinnaatitaanermik pigisaqartoq piginnaatitaassasoq pisinnaatitsissummik piginnittup allap ingerlataralugulu atugarisaanik sarfap aqputaanik, ruujoreqarfimmik, ikerasalianik allanilluunniit ingerlatsivinnik akiliuteqarnermigut pisinnaatitsissummik piginnittup atuisinnaatitaaffeqarnissaa, taamaattoq takuuk siunnersuummi § 13, imm. 4.

Imm. 4-mut

Siunnersuummi § 13, imm. 4 pissutsinik arlalinnik imaqarpoq siunnersuummi § 13, imm. 2 imaluunniit imm. 3 malillugu nukissiuutinik ataatsimut aaqqitamik atuneq pillugu Naalackersuisut naalakkiinissamik aalajangiinerminni immikkut eqqarsaatigisariaqagaannik. Naalackersuisut, imm. 2 imaluunniit imm. 3 malillugu nukissiuutinik ataatsimut aaqqitamik atuneq pillugu naalakkiinissamik aalajangiinerminni immikkut eqqarsaatigissavaat pisinnaatitaanermik pigisaqartoq nukissiummik ingerlatsisup nukissiuutip piginnaasai

tamakkiisumik ilaannakortumilluunniit atornerai siunissamilu tamakkiisumik
ilaannakortumilluunniit atussanerlugit pilersaarutiginerai.

Naalackersuisut nukissiummik ataatsimut aaqqitamik atuineq pillugu naalakkiinissamut
nalunaaruteqarnissamik aalajangiissanngillat pisinnaatitaanermik pigisaqartup nukissiummik
ingerlatsisup pilersaarutigippagu nukissiuutip piginnaasai tamakkiisumik siunissami
atorniarlugit imaluunniit pisinnaatitaanermik pigisaqartup taassuma nukissiummik
pilersaarutigalugu atuinissaa allatut aporfilerneqassappat imaluunniit naleqqutinngitsumik
aningsaartuuteqarnermik nassaqaassappat imaluunniit nukissiuutip ataatsimut aaqqitamik
atornera akornngutaassappat. Pisinnaatitaanermik pigisaqartup siunissami nukissiuutip
tamakkiisumik atorneqarsinnaanera ilimanarnersoq uppersarsinnaasariaqarpaa.

§ 14-imut

Imm. 1-imut

Isumaqatigiinniarnernut ilanngunneqarsinnaapput atuinissamut akuersissutip pisariaqarpat
sivitsornissaa, takuuk § 14, imm. 2. Nukissiuut Namminersorlutik Oqartussanit
tiguneqassappat isumaqatigiinniarnarit imarisinnaavaat tigusinissaq qanoq pissanersoq
qanorlu atugassarititaqassanersoq. Isumaqatigiinniarnarit aamma imarisinnaavaat nukissiuutip
qanoq ililluni piiarneqarsinnaaneranik Namminersorlutik Oqartussat nukissiummik
tiguserusunngippata.

Atuinissamut piffissap kingorna pillugu isumaqatigiinniarnermut aalajangersagaq aamma
atorneqarsinnaavoq akuersissut piffissap akuersissutaasup naanerani
sivitsorneqarsinnaangippat.

Imm. 2-mut

§ 14, imm. 2 malillugu pisinnaatitaanermut pigisaqartoq eqqartuussisutigut
piumasaqarsinnaangilaq akuersissutip sivitsorneqarnissanut. Naalackersuisut
pisinnaatitaanermillu pigisaqartup akornini isumaqatigiinniarnerp kingornatigut sivitsuineq
nalunaarutigineqarsinnaavoq.

§ 14, imm. 2 malillugu Naalackersuisut atuinissamut akuersissummi aalajangersinnaavaat
pisinnaatitaanermik pigisaqartoq akuersissummik sivitsuiffigineqarsinnaasoq piumasaqaatit
aalajangerneqartut pisinnaatitaanermut pigisaqartumit malinneqarpata. Taama pisoqartillugu
atuinissamut akuersissutip sivitsorneqarnissaa pisinnaatitaanermut pigisaqartumut
periarfissaassaaq atussallugu toqqarsinnaasaa.

Piumasaqaatit pisinnaatitaanermut pigisaqartup sivitsuinissamut pisinnaatinneqassaguni
malitassai atuinissamut akuersissummi piviusumik aalajangerneqassapput. Piumasaqaatit

suliamut tunngasumik kinaassusersiunnigsumillu tunngavilerneqarsimassapput assersuutigalugulu pisinnaatitaanermik pigisaqartup nukissiummik atortunillu tassunga atasunik ingerlaavartumik aserfallatsaaliuinnissaannut naleqquttumillu nutarterisarnissaannut tunngasuusinnaallutik. Piumasaqaatit aamma suliffissuaqarnikkut nioqqutissiornermit tassunga atasumit nioqqutissiorneq ingerlaannassasoq nioqqutissiorfiillu taakku aserfallatsaaliorneqarlutillu ingerlaavartumik nutarterneqartarnissaannut tunngasuusinnaapput.

Naalackersuisut maannakkutut toqqarsinnaavaat periarfissaq taamaattoq atuinissamut akuersissummut piviusumut ilaatissanagu. Taama pisoqarnerani Naalackersuisut nangillugu periarfissaqarput isumaqatigiinniareernerup kingornatigut akuersissutip sivitsornissaanut, takuuk § 14, imm. 2.

Imm. 3-mut

Pisuni immikkut ittuni Naalackersuisut pisinnaatitaanermik pigisaqartoq atuinissamut akuersissutip sivitsorneqarnissaanut periarfissaqarneranik nalunaarfigisinnaavaat. Atuinissamut akuersissutip atuunnissaanut piffissaliussap qanoq sivisutiginissaanut tunngaviussaaq suliniut pineqartoq aningaasaqarnikkullu pissutsit tassunga atasut il. il. Aalajangersagaq periarfissiivoq akuersissuteqarnermut piffissaliussap katillugit ukiut 80-it sivitsornissaanut.

Tamatuma kingunerissavaa pisinnaatitaanermik pigisaqartoq malitsigiinnik marloriarluni tamarmik ukiunik 20-nik sivisussusilinnik sivitsuiffigineqarsinnaasoq. Periarfissamik taamaattumik nalunaaruteqassagaanni piumasaqaataavoq uppersarneqassasoq suliniutip piviusunngornissaanut periarfissaq pisariaqarlunnartuusoq. Sivitsuineq nutaanik atugassarititaqarluni taakku ataani akiliutinik akiliinissamut allannguinermik nalunaarutigineqarsinnaavoq.

Imm. 4-mut

Akuersissummut piffissaliussaq ukiunik 80-inik sivisunerusinnaanngilaq.

Imm. 5-imut

Aalajangersagaq allanngunngilaq aalajangerlugulu atuinissamut akuersissutip piffissarititaasumik naanerata kingorna qanoq pisoqarnissaa pillugu isumaqatigiinniarnit kinguneqanngippata Naalackersuisut aalajangiisinnaasut erngup nukinganik nukissiorfik atuinissamut akuersissutip naanerani tiguneqarnissaanut.

§ 15-imut

Kapitali 5-imi tigusinissamut pisinnaatitaaffik pillugu aalajangersakkat erngup nukinga pillugu inatsimmi maannamut atuuttup kapitali 5 assigaat.

Imm. 1-imut

Utertitsinissamut akuersissutit pillugit piumasaqaatinik aalajangersaasoqarsinnaavoq akuersissutip atuuffissaa qaangiuppat akuersissullu atorunnaarpat. Tamatuma ataani Namminersorlutik Oqartussat utertitsinermut pisinnaatitaanerit pillugu akuersissutinut piumasaqaatinik aalajangersaasoqarsinnaavoq akuersissutip atorunnaarnerani, assersuutigalugu pisinnaatitaanermik tigumiaqartup eqqortitsinnginnerani. Erngup nukinganik nukissiorfiup utertitsinneqarneranut ilaapput atortut toqqaannartumik erngup nukinganik nukissiorfimmu ataat taakku ataanni aqutit attaveqaatit, illut najugaqarfiit, teknikikkut atortut atortullu allat erngup nukinganut atatillugit pilersinneqarsimasut pisiarineqarsimasulluunniit. Aqutit attaveqaatinut ilaapput assersuutigalugu umiarsualiveqarfiit, aqqusernit ingerlasarfiillu erngup nukinganik nukissiorfimmu atugassatut sananeqarsimasut.

Illunut najugaqarfinnut atatillugu taasariaqarpoq utertitsisinnaanermut pisinnaatitaanermut ilaammata illut najugaqarfiusut erngup nukinganik nukissiorfiup ingerlanneranut sullinneranullu ataat. Utertitsisinnaanermut pisinnaatitaaffimmu ilaanngillat illut najugaqarfiit allat, soorlu ingerlatsiveqarfiup pisortaqarneranut allaffissornikkullu sulisunut atugassat. Naalakkersuisut pisussaataaangillat nalunaaruteqarnikkut imaluunniit atuinissamut akuersissutip atuuffissaa qaangiuppat erngup nukinganik nukissiorfimmik atortunillu tassunga atasunik Kalaallit Nunaanni Namminersorlutik Oqartussanut utertitsinissamik aalajangiinissaminut. Assersuutigalugu pequtaasinnaavoq Naalakkersuisut naliliisut erngup nukinganik isumalluut nukissiornermut atorneqarunnaassasoq.

Utertitsineq siusinnerpaamik pisinnaavoq akuersissutip atuuffissaata naaneraniit Naalakkersuisut pisinnaatitaanermillu tigumiaqartup akornini § 14 naapertorlugu allamik isumaqatigiittoqarsimangippat.

Utertitsinissamik nalunaaruteqarnermut taarsiullugu Naalakkersuisut atuinissamut akuersissummik nutaamik ukiut 20-t tikillugit atuuttussamik nalunaarsinnaapput, takuuk § 14, imm. 2-mi aalajangersagaq akuersissutip nutarterneranut tunngasoq. Sivitsuinerup qaangiunneratigut Naalakkersuisut erngup nukinganik nukissiorfik utertitsissutigereerpagu Naalakkersuisut pisinnaatitaanermik pigisaqartumut erngup nukinganik nukissiorfik pisiaritissinnaavaa atuinissamullu akuersissuteqarlutik Naalakkersuisut pisinnaatitaanermillu pigisaqartup soqutigisarippassuk. Namminersorlutik Oqartussat erngup nukinganik

nukissiorfik tunippagu ilutigalugu pisisoq Naalakkersuisunit atuinissamut akuersissummik nalunaarfigineqassaaq § 5 naapertorlugu. Naalakkersuisut piginnaassuseqartitaangillat pisussaanatilluunniit erngup nukinganik nukissiorfimmu atuinissamik akuersissummik pigisaqarsimasoq taassuminngalu piginnittoq immikkut pisinnaatitaaffeqartissallugu erngup nukinganik nukissiorfiup utertitaasup tunineranut atatillugu.

Imm. 2-mut

Imm. 2 erngup nukinga pillugu inatsimmi atuuttumi § 15 imm. 2 assigaa. Aalajangersagaq malillugu utertitsisinnaatitaaneq akuersissutaasup atsiorderatigut aalajangerneqartoq Naalakkersuisunit Kalaallit Nunaanni Eqqartuussivinnut nalunaarsortissavaat. Pigisanik sallunaveeqqutit, ass. nukissiorfimmu atatillugu illuut najugaqarfiusoq, utertitsisinaanermut pisinnaatitaaffimmu ilaatinneqartut tunngavigalugit aningaasanik pisassallit utertitsinermik Kalaallillu Nunaanni Namminersorlutik Oqartussat sallunaveeqqutit pigisanik tigusinerannik ataqqinnittussaassapput. Sallunaveeqqutit tutsuigineqarluni akisussaaffeqarnerit nanertuutillu allat Kalaallit Nunaanni Namminersorlutik Oqartussanit utertitsineq kisiat peqqutigalugu nalunaarsorneqarunnaarsinnaapput, takuuk § 15, sallunaveeqqutinik pisussat pisinnaatitaaffillillu allat taarsiiffigineqarnissaminnik piunasaqarsinnaatitaatinnagit.

Imm. 3-mut

Imm. 3-mi aallaavigalugu aalajangersarneqarpoq erngup nukinganik nukissiorfik allallu tassunga atasut atorsinnaassasut akuersissutip qaangiunnerani Kalaallit Nunaanni Namminersorlutik Oqartussanut utertitsinermi. Tassunga ilaanngilaq piunasaqaat taamaattoq naleqqutinngitsumik nammagassiippat, assersuutigalugu nukissiorfik ikuallannermit ajoquserneqarsimappat sanaqqinnissaalu piginnittumut aningaasatigut akilersinnaanani.

Pisinnaatitaaffimmik pigisaqartoq erngup nukinganik nukissiorfimmik aserfallattaaliuineranut iluarsaassisarnermillu naammaginartunik suliaqassaaq nukissiorfik utertinneqarnermi nalaani tamakkiisumik atorsinnaaniassamat Piginnaatitaaffimmik pigisaqartoq pisussaatitaangilaq nukissiorfimmik nutarterinermini imaluunniit pitsanngorsaanermini teknologiimik pissarsiarineqarsinnaasumik pitsaanerpaamik atuinissaminut.

Imm. 4-mut

Naalakkersuisut aalajangersakkami imm. 4 malillugu pisinnaatitaapput erngup nukinganik nukissiorfimmu atortunullu tassunga atasunut isersinnaanissaminnut nukissiorfiup tigusinnaanut piareersaataasumik qularnaarniarlugu nukissiorfik atortuulu tassunga atasut ingerlasinnaasut. Erngup nukinganik nukissiorfimmu atortunullu tassunga atasunut isersinnaanissamut pisinnaatitaaffik ukiuni pingasuni atuuppoq Naalakkersuisut piffissatut utertitsiffissatut aalajangigaata tungaanut.

”Atuinissamut akuersissummik pigisaqartumut annertuumik akornutaanngitsumik aningaasartuutaanngitsumillu” ima paasineqassaaq Naalakkersuisut pisinnaatitaaffimmik pigisaqartoq taamaallaat aningaasartuuteqarnissamut naalakkersinnaagaat naammaginatarmik piumasarineqarsinnaasunik erngup nukinganik nukissiorfiup tamakkiisumik ingerlasinnaanissaanut atorneqartussanik. Tamatuma saniatigut erngup nukinganik nukissiorfik takusarneqassaaq sapinngisamik pisinnaatitaanermik pigisaqartoq isumaqatigiissuteqarfigalugu takusaaneq ingerlanneqarneranik akornusiinnginniassamat. Aamma taamatut misissuineq immikkut ilisimasalinnit pisinnaatitaanermik tigumiaqartuneersunit peqataaffigineqartariaqartoq sapinngisamik isumaqatigiissutigineqartariaqarpoq immikkut ilisimasallit nukissiorfimiinnerat iluatsillugu. Kiisalu tigusinissamut piareersaanissamut aaqqiinerit pisariaqartut ingerlanneqarsinnaapput ulluinnarni ingerlatsinermut akornusiinermik imaluunniit annertuumik aningaasartuuteqarnermik nassataqanngitsunik.

Imm. 5-imut

Akuersissutip naanerani Naalakkersuisut erngup nukinganik nukissiorfiup tigusissaa kissaatiginnigippassuk, atuisinnaanermik akuersissummik tigummisaqartup ingerlatsinini unitsissavaa erngullu nukinganik nukissiorfik matullugu Naalakkersuisut atuinissamut akuersissummi aalajangersagaat aamma piomasagaataat malillugit.

Imm. 6-imut

Aalajangersakkami erserpoq Naalakkersuisut utertitsinermut pisinnaatitaaneq pillugu aalajangersaasinnaasut akuersissummut qinnuteqarnermut aamma atuinissamut akuersissummik nalunaaruteqarnermut atatillugu. Erngup nukinganik atuinissamut akuersissummi utertitsinermut pisinnaatitaaneq pillugu piomasagaatit piviusut pissutsillu imm. 1-5-imi taaneqartut aalajangersarneqarput. Taassuma ataani Naalakkersuisut erseqqinnerusumik akuersissummut piomasagaatit utertitsinermullu pisinnaatitaaneq, erngup nukinganik nukissiorfiup atorsinnaanera, erngup nukinganik nukissiorfiup tigusissaanut matunissaanullu piareersarneq pillugit Kalaallilu Nunaanni Eqqartuussivinnut nalunaarsorneqarnissaannik aalajangersaasinnaapput.

§ 16-imut

Aalajangersakkap assigaa erngup nukinga pillugu inatsimmi atuuttumi § 16, taassumalu nassatarisaanik Naalakkersuisut utertitsiffissap nalliunnerani pisinnaatitaanerit Kalaallit Nunaanni Eqqartuussisuni nalunaarsorneqarsimasut piumasarisinnaavaat pisinnaatitaanermik pigisaqartoq allallu allasimasunik pisinnaatitaaffeqartut, taassuma ataani sallunaveeqqutinik tigusinnaatitaasut, taarsiiffigineqarnissaminut piomasagaarsinnaatitaatinnagit. Aalajangersagaq utertitsinissamut pisinnaatitaaffimmut atatillugu isigineqassaaq, taamalu §

15 malillugu Kalaallit Nunaanni Namminersorlutik Oqartussat erngup nukinganik nukissiorfik allanit piumasaqarfigineqarsinnaanngitsoq tigussagaat qularnaarneqarluni.

§ 17-imut

Aalajangersakkap assigaa erngup nukinga pillugu inatsimmi § 17. Kalaallit Nunaanni Namminersorlutik Oqartussanut utertinneqarnerata kingornatigut, takuuk siunnersuummi § 15, Naalakkersuisut nukissiorfik akuersissummik pigisaqartumut allamulluunniit attartortissinnaavaa. Attartortitsinermi aamma erngup nukinganik isumalluutip nukissiornissamat atornissaanut akuersissummik nalunaaruteqartoqarsinnaassaaq. Siunnersuutip matuma iluani sinaakkutaasut malillugit akuersissut nalunaarutigineqassaaq. Attartornissamat isumaqatigiissut piffissamat erseqqinnerusumik aalajangikkamat atuuttussanngortinneqarsinnaassaaq. Attartornermut isumaqatigiissut piumasaqaadini nalunaarutigineqassaaq, taakkulu atuinissamat akuersissutini piumasaqaadinut allanut naapertuutissapput. Attartornermut isumaqatigiissutip ilusilernerani erngup nukinganik nukissiorfiup attartorneranut akiliutissat aalajangerneqarsinnaassapput, taavalu erngup nukinganik isumalluutip atornissaanut tigusinissamat akuersissummumut akiliutissaq atuinissamat akuersissuummi tassunga atasumi aalajangerneqassalluni. Atuinissamat akuersissummik tigumiaqartoq erngup nukinganik nukissiorfimmik attartortitsisinnaanngilaq. Tamatumani atuinissamat akuersissummik tigumiaqartup erngullu nukinganik nukissiorfiup piginnittuata kinaassusaanik piumasaqaat malinneqareerpoq.

§ 18-imut

Imm. 1-imut

Aalajangersakkami erseqqissarneqarpoq misissueqqaarnissamat qinnuteqarnek atuinissamullu qinnuteqarnek § 3 naapertorlugu Naalakkersuisunut tunniunneqassasut.

Imm. 2-mut

Aalajangersakkami akuersissummik qinnuteqartunut soorlu aamma akuersissummik tigumiaqartunut nalunaaruteqartussaataaneq malittarisassaliunneqarpoq. Imm. 3 naapertorlugu Naalakkersuisut aalajangersaasinnaapput paasissutissat suut nalunaarutigineqassanersut, qanoq iluseqassanersut aamma tunniunnissaannut qanoq piffissalernerneqassanersut. Malittarisassat aalajangerneqarsinnaapput qinnuteqartumut pisussaaffiliisunik uppernarsaatinik nassiussinissamat, taakkunanilu ilimanarsitinneqassaaq akuersissuummi qinnutigineqartoq naapertorlugu qinnuteqartoq suliniutip piviusunngortinnissanut pisinnaassuseqartoq.

Imm. 3-mut

Naalakkersuisut aalajangersaasinnaapput malittarisassaliussallutik paasissutissat tunniunneqartut qinnuteqartup imaluunniit pisinnaatitaanermik tigumiaqartup niuernikkut pissusaat eqqarsaatigalugit isigineqassanngitsut allagaatinik takunnissinnaatitaanermut malittarisassanut tunngasuusut, tamatuma ataani tamakku pillugit malittarisassat pisortat ingerlatsinerat pillugu paasitinneqarsinnaaneq pillugu Inatsisartut inatsisaanni aamma pisortat ingerlatsineranni suliassat suliarineqartarnerat pillugu Inatsisartut inatsisaanni. Pisortat ingerlatsinerat pillugu paasitinneqarsinnaaneq pillugu Inatsisartut inatsisaat malillugu immikkut inatsisitigut tunngaveqarnatik Naalakkersuisut ilimasaarisinnaanngillat paasissutissat tunniunneqarsimasut allanut oqaatigineqannginnissaannut (malunnaarsaarnermut ilimasaarineq). Naalakkersuisut pisortatigoortumik suliarinninnermut pitsaanerpaamik paasissutissaqaqqullugit imm. 3-mi aalajangersakkami erseqqissarneqarpoq Naalakkersuisut qinnuteqartunit paasissutissanik pingaarutilinnik allanullu oqaatigeqqunngisanik piumasaqarsinnaasut. Naalakkersuisut malunnaarsaarnermut ilimasaarisinnaanngippata Naalakkersuisut paasissutissanik piniarsinnaanermut periarfissannut akornutaasinnaavoq.

Naalakkersuisut qinnuteqaatip pisortatigoortumik suliarinerani akulikitsumik avataaniit immikkut ilisimasalinnik siunnersuisoqarsinnaapput. Aamma eqqarsaatigineqarsinnaavoq ingerlatsiveqarfinnik Namminersorlutik Oqartussanit pigineqartunik siunnersuisutut atuuttunik paasissutissanik paarlaasseqatigiittoqartoq. Pisortat ingerlatsinerat pillugu paasitinneqarsinnaaneq pillugu inatsit malillugu oqartussaasup illup iluani allagartaatai uppernarsaatit allagaatinik takunnissinnaatitaanermut annertuumik atannngillat. Allagaatit uppernarsaatit suliap ingerlanneqarnerani avataanit siunnersuisunut paarlaasseqatigiissutigineqartut illup iluani allagaatit uppernarsaatigineqartut isigineqarunnaassapput, siunnersuisulluunniit suliaminnik ingerlatsinerannut atatillugu allagaatit uppernarsaatit tigugalarpatigit. Taamaattumik allagaatinik uppernarsaatinik takunnissinnaanermut annertunerusumik qinnuteqartoqarsinnaavoq. Taamaattumik aalajangersakkatut siunnersuut eqqarsaatigineqarpoq ima atorneqassasoq allagaatit uppernarsaatit suliap ingerlannerani avataanit siunnersuisunik paarlaasseqatigiissutigineqartut inatsisartut inatsisartut una malillugu akuersissutigineqartut isertuunneqarsinnaasutut isikkoqarneri annaaneqassanngitsut.

§ 19-imut

Imm. 1-imut

§ 5 imm. 4-p malitsigaa ukiumoortumik nukissiummik nioqqutissiorneq minnerpaaffissaminik aalajangiiffigineqassasoq ukiumoortumillu imermik tigusinissaq minnerpaaffilerneqassasoq atuinissamut akuersissummi piumasaqaatitut. Tamanna

pisinnaatitaaffinni atuinissamut akuersissummik tunngaveqartuni qitiulluinnarpoq, tamatumalu aalajangerneqarnerani imm. 1 naapertorlugu atuinissamut akuersissummut qinnuteqaammut atatillugu pilersaarut suliarineqartussaq tunngavigineqassaaq. Qinnuteqartoq massakkut atuuttut uppersaasinnaassaaq erngup nukinganik nukissiorfiliornissamut, innaallagissamik aalajangeriikkamik naatsorsorneqariikkamillu tunniussisinnaasumik, taassumalu ingerlannissaanut imermik isumalluut naammattoq pissarsiarineqarsinnaasooq. Taamaattorli nammineq misissueqqaarinerni pisarialittut paasissutissanik tunngavigisat pissarsiarineqartariaqanngillat, paasissutissalli pisiarinerisigut, imaluunniit tamanut ammasutut pissarsiarisinnaasatut najoqqutassanit pissarsiarineqarsinnaallutik.

Aalajangersakkatut siunnersuutip malitsigaa Naalakkersuisut atuinissamik suliniuteqarnermut pilersaarut akuerissagaat, taassuma ataani nioqqutissiornerup aaqqissornera atortullu tassunga atasut atuinissamut sulissutigineqartut imaluunniit tamatumunnga siunertatut sulissutigineqartut aallarnerneqartinnagit. Atuinissamut pilersaarutininik akuersinermi Naalakkersuisut nakkutigissavaat, teknikikkut illersorneqarsinnaasumik aamma isumannaaneq, peqqissuseq, avatangiisinik illersuineq inuiaqatigiinnilu piujuartuutitsineq eqqarsaatigalugit suliniuteqarnerit suliarineqassasut aamma suliarinnineq atortussiassanik sapinngisamik minnerpaamik maangaannartitsinermik ingerlanneqassasooq.

Akuersissummik nalunaarutiginninnissamut itigartitsineq pisinnaavoq itigartitsineq suliamut tunngasunik eqqarsaatiginninnermik tunngaveqarpat, tamatuma ataani pissutsit teknikimut, isumannaannermut, peqqissutsimut, avatangiisinut imaluunniit inuiaqatigiinni piujuartitsinermut tunngasut aamma takuuk § 1, imm. 2.

Aalajangersagaq naapertorlugu pilersaarutininik akuersissuteqarnermut atatillugu oqartussaasunit suliarinninnermi pingaaruteqarpoq Naalakkersuisut paasisaqarfiulluarmik tunngaveqarlutik ingerlatsiveqarfiup ataatsimut nalilernerani aalajangiisinaanerat. Tamatuma ilaatigut tunngavigaa avatangiisinut sunniutit nalilersorneri (ASN) aamma inuiaqatigiinni piujuartitsinermut tunngasut nalilersorneqartariaqarnerinut.

Imm. 2-mut

Imermik minnerpaaffilimmik tigusinissamut minnerpaamik nukissiornissamut atorineqartussamik atuinissamut akuersissutit kingunerisaanik pisinnaatitaaneq aalajangerneqarsimasooq pisinnaatitaaffiuvoq qitiusooq. § 19, imm. 1-imi maleruagassatut aalajangersagaq malillugu pilersaarusiortoqassaaq, atuinissamik akuersissummik qinnuteqaasiornermi nalunaarutigineqassallutik nukissiornissap pilersaarutaasup annertussusissaa, nukissiorsinnaanermik erngullu pilersuinnermi tiguneqartussap missiiorneranik naatsorsuutit pillugit. Maleruagassatut aalajangersagaq siunnersuutigineqartoq Naalakkersuisut atuinissamik ingerlatsinissamut pilersaarummik

akuersinissaannut tunngavoq, tamatuma ataani nukissiornerup aqqissugaanera sanaartugassallu tassunga atasut, atuinissamut piareersaatissat tassungaluunniit tunngatillugit aallarnisagassat pitinnagit.

Imm. 3-mut

Naalackersuisut § 19, imm. 2 malillugu atuinissamut pilersaarummik akuersissuteqarnerminni nakkutigissavaat ingerlatat isumannaatsumik naleqquttumillu isumannaallisaanikkut, peqqissutsikkut, avatangiisitigut, isumalluutinik atuinikkut inuiaqatigiinnullu piujuartitsinikkut suliarineqarlutik ingerlanneqarnissaat, kiisalu pissutsini assigiinngitsuni nunat tamat akornanni periaaseq ileqqorissaarnertut akuerisaasoq naapertorlugu ingerlanneqarnerat, takuuk §1, imm. 2-mi aalajangersagaq.

§ 9-mi maleruagassatut aalajangersakkamik naammassinninnissamut tunngatillugu pisinnaatitsissummik pigisaqartup suliffeqarfimmut sulianullu aningaasaqarnikkut tunuliaqutai pillugit akuersissuteqareernerup kingorna atuinissamut pilersaarummi paasissutissaqassaaq ingerlatsiviup pisinnaatitsissummik pigisallip aningaasaqarnikkut nammassinnaasaanut tunngasunik, tamatumunnga ilanngullugit atuinissamut suliassat kiisalu atuinissamut suliassat aningaasalersorneqarnissaannut atatillugu ingerlatsiviup akiliisinnaassusaa akissaqarniarneralu.

Maleruagassatut aalajangersakkap tamatumunnga tunngasortaa pingaarnertut qulakkeerinneqataanissamik siunertaqarpoq, tassa pisinnaatitsissummik pigisaqartup atuinissamik akuersissuteqartoqareernerata kingornatigut aningaasaqarnikkut pisariaqartitat atuinissami suliassanut aamma suliassanut allanut akuersissummumt ilaasunut atatillugu piginissaat qulakkeerniarlugu. Maleruagassatut aalajangersagaq aammattaaq ilaatigut siunertaqarpoq atuinissamik akuersissuteqartoqareernerata kingorna pisinnaatitsissummik pigisaqartup naammattumik suliassanut aningaasassaqaarnissaanik qulakkeerinneqataanissamik. Atuinissamik pilersaarut atuinissami suliassat aningaasatigut iluaqutissartalimmik naammassineqarnissaannut periarfissaqarnerannik imaqaassaaq, kiisalu atuinissami suliassanut atatillugu avatangiisinut sulisoqarniarnermullu pissutsinut tunngasut nalilersorneqarnerannik imaqaassalluni.

Akuersinissamut itigartitsissuteqartoqarsinnaavoq itigartitsineq piviusorsioortumik naleqquttumillu tunngavilersugaappat, tamatumunnga ilanngullugit pissutsit teknikimut, isumannaallisaanermut, peqqissutsimut, avatangiisinut, isumalluutinik atorluaanermut, aningaasaqarnermut inuiaqatigiinnullu akornutaasinnaaneranut tunngasut eqqarsaatigalugit, takuuk aamma § 1, imm. 2.

Maleruagassatut aalajangersagaq malillugu oqartussatut suliarinninnermi pilersaarutininik akuersinissamut atatillugu pingaaruteqarpoq Naalackersuisut naammattunik

paasissutissiissutigineqarsimasunik tunngaveqarlutik aalajangiisinaanissaat, tamakkiisumik suliffeqarfimmik nalilersuinissaq siunertaralugu.

Tamanna ilaatigut kinguneqassaaq avatangiisinut sunniutaasussanik nalilersuineq (ASN) kiisalu inuiaqatigiinni piujuartussamik iluaqutaasumik sunniutissanik nalilersuineq suliarineqartariaqarmata. Maleruagassatut aalajangersagaq § 11, imm. 4 malillugu Naalackersuisut akuersissutinut atugassarititaasunik maleruagassanillu aalajangersaasinnaapput pisinnaatitsissummik pigisaqartup pissutsinik teknikimut, avatangiisinut, isumaginninnermilu aningaasaqarnermut tunngasunik misissuisarnissaa naliliisarnissaalu pillugu, tamatuma ataani inuiaqatigiinni piujuartussamik iluaqutaasumik sunniuteqartitsinissaq, tamatumunnga nassuiaasiornissamik suliaqartarnissaq ilanngullugu. Atuinissamik pilersaarummik akuersissuteqarnermut atatillugu maleruagassatut aalajangersagaq § 11-miittoq malillugu piumasaqaatit naleqquttut atuinissamut akuersissummut ilusiliami aalajangersarneqarsinnaapput, taamaalilluni qinnuteqartup piumasaqaatitut sinaakkutissat suliffeqarfimmut qinnuteqartumut atuuttut ilisimaarissammagit.

§ 20-mut

Imm. 1-imut

Imm. 1-imi maleruagassatut aalajangersakkap siunertaraa misissueqqaarnernut tunngatillugu allaffissornikkut piumasaqaatit pisariillisarnissaat, erseqqissaatiginiarlugu pilersaarusiorneq aamma nunaminertat atorneqartarnerat pillugit Inatsisartut inatsisaanni aalajangersakkat malillugit nunaminertanik tunineqarnissap piumasaqaataannginnera. Misissueqqaarnernik suliat pisarnertut uuttortaatinik inissiinerusarput piffimmilu alapernaaserluni sulinerusarlutik, tamatumunnga ilaallutik utaqqiisaasumik nunaannarmi tammaarfiliorerit. Taamaattumik misissueqqaarnerit pineqartillugit annertusisamik nunaminertamik atainerit pineqarneq ajorput, uuttortaatinillu ikkussuilluni inissiinerit pisarlutik, nunaminertaq suli nalinginnaasumik atuuffimmisut piuinnaasumik.

Imm. 2-mut

Naalackersuisut maleruagassatut aalajangersagaq imm. 2 naapertorlugu nunaminertanik tunineqarnissamik akuersissutinik tamanik ermup nukinganik nukissiorfimmut, atortunillu tassunga atasunik tamanik aalajangiinernut oqartussaapput, taakkununnga ilaallutik sapsusiat, ikerasaliat, sulluliat, tasinngortaliat, ruujorit, turbinit, pilersuinermi aqqusersuutit kiisalu allat illuliat sanaartukkallu taakkununnga attuumassuteqartut ilanngullugit.

Ergup nukinganik nukissiorfimmik sanaartorerit inuiaqatigiit soqutigisaannut ima pingaaruteqartigaat allaat Naalackersuisut pilersaarusiorneq aamma nunaminertat

atorneqartarnerat pillugit Inatsisartut inatsisaat malillugu kommunip nunaminertamik tunniussaqaarsinnaatitaaneranik arsaarinnissinnaallutik. Kommunimi nunaminertanut oqartussaasunik artukkiinnnginnissaq, kiisalu piginnaatitaanermik paatsuungatitsinnnginnissaq anguniarlugu, maleruagassatut aalajangersakkami erseqqissarneqarpoq Naalakkersuisut nunaminertanik tunisinissamut piginnaatitaasut, aamma Naalakkersuisut suliani ernup nukinganik nukissiorfimmuut attuumassuteqartuni nunaminertamik tunniussinissaminnut pisussaasut pissutsini Inatsisartut inatsisaanni pineqartuni.

§ 21-mut

Maleruagassatut aalajangersakkap erseqqissarpaa gruppini nr. 1-3-mut taaneqartuni tusarniaasoqartarnissaa.

Kommunit atuinissamik arlaatigut sunnerneqartut tusarniaanermi ilanngullugit tusarniarneqartassapput. Tamanna aamma atuuppoq oqartussanut akuersissutinik tunniussisussaannngikkaluanut, taamaattorli nunaminertamik arlaatigut naleqquttumik soqutigisaqartunut, misissueqqaarnermik atuinermilluunniit akuersissuteqarnermi arlaatigut sunnerneqarsinnaasunut. Aammalu erngup nukinganik nukissiorfiit utertinneqartut pillugit Naalakkersuisut aalajangigaqarpata, atuinissamut akuersissummik Naalakkersuisut nalunaaruteqarnissaannik piunasaqarfiusumik tusarniaasoqassaaq.

Misissueqqaarnernik suliat avatangiisinut annertunerusumik sunniuteqassangatinneqanngillat. Tamatuma saniatigut siunnersuutip malitsigisaanik misissueqqaarnernut akuersissummik tunniussinissaq kisermaassisiinnaanertaqanngitsumik pissaaq, taamaattumik tusarniaanissamik piunasaqaatip atuutsiinnarnissaa tunngavilersugaasumik oqartussaaffiillu qanoq tullerriiarlugit aaqqissuussiffigineqarsimanersut tunngaveqartinneqarsinnaanani.

Imm. 2-mut

Tusarniaanermi akissuteqarnissamut piffissarititaq sapaatit akunneri arfinilinnit sivikinnerussanngilaq.

§ 22-mut

Imm. 1-mut

Maleruagassatut aalajangersakkami § 22-mi nakkutilliinermut tunngasup erngup nukinga pillugu inatsimmi atuuttumi § 21-mi maleruagassatut aalajangersakkat assigaat. Maleruagassatut aalajangersagaq Naalakkersuisut pisinnaatitsissummik pigisaqartup ingerlatsivianik nakkutilliinissaannut tunngavissaqalersitsivoq akuersissuteqarnermi Inatsisartut inatsisaat maleruagassatullu taanna tunngavigalugu aalajangersarneqarsimasut,

tassungalu atatillugu pisinnaatitaanerit naapertorlugit. Maleruagassatut aalajangersakkap akuersissummik pigisaqartup maleruagassatut aalajangersakkat atugassarititaasullu akuersissummut pineqartumut atuuttut malinnissaat qulakkiissavaa.

Imm. 2-mut

Imm. 2-mi maleruagassatut aalajangersagaq nakkutilliinermut oqartussaasut eqqartuussisup aalajangiineranik piniangikkaluarlutik kinaassutsimillu uppernarsaammik takutitsillutik nakkutilliisinnaanerannik tunngaviliivoq. Maleruagassatut aalajangersagaq nakkutiginninnissamik tunngaveqarpoq, kiisalu teknikikkut allaffissornikkullu nakkutiginninnermik aamma imaqarluni. Nakkutilliineq nalunaarutigineqaqqaanngitsumik pisinnaavoq, aalajangersimasumilli aamma akuttussusilikkamik nakkutilliinerusinnaalluni. Eqqartuussisup aalajangiineranik piniangikkaluarluni nakkutilliineq angerlarsimaffiup eqqissisimatinneqarnissaa pillugu inatsisini tunngaviusuni § 72-imi oqartussaasut suliffeqarfimmik nakkutilliinissaannik pisinnaatitaanerisa killissaannik malittarisassiat mianeralugit pissaaq.

Imm. 3-mut

Akuersissummik pigisaqartup piffissaliussap naleqquttup iluani peqqussut naammassinngippagu, piginnittup akiligaanik annaasaqaatigisinnaasaanillu peqqussutaasoq Naalakkersuisunit naammassineqarsinnaavoq.

Ingerlatsinermi pitsaasumik ileqqoqarnissap malitsigaa piginnittup akiligaanik annaasaqaatigisinnaasaanillu naalakkiutip Naalakkersuisunit naammassineqannginnerani piginnittoq piffissalernerqareersimasariaqartoq naalakkiutip naammassinissaanut aammalu piffissaliussaq qaangerneqarsimassasoq, kiisalu piginnittoq ilisimatinneqarsimassasoq naalakkiut naammassineqanngippat oqartussaasut piginnittup akiligaanik annaasaqaatigisinnaasaanillu suliniutit pisariaqartut aallartinneqarnissaat isumagissagaat. Aammalu oqartussaaffiit qanoq tulleriarlugit aaqqissuussiffigineqarsimanermik tunngaveqarnerup kinguneraa iliuseqarnerup kingunerisaa taamaaliornikkut angusaasumut naleqquttuussasoq. Oqartussaaffiit qanoq tulleriarlugit aaqqissuussiffigineqarsimanermik tunngaveqarneq taanna imminut ikiorluni suliaqarnermut aamma aningaasaqarnikkut kingunerisaanut atuuppoq.

§ 23-mut

Imm. 1-imut

Misissueqqaarnermut akuersissummik tunniussinissaq kisermaassisinnaanertaqanngitsumik pinissaata kinguneranik siunnersuutip malitsigaa misissueqqaarnermut akuersissutit Kalaallit Nunaata Eqqartuussiviini nalunaarsorneqartannginnissaat. Maleruagassatut aalajangersakkap

allannguutaa tamanna erngup nukingata nukissiornermut atorneqartarnera pillugu Inatsisartut inatsisaanni § 22-mi maleruagassatut aalajangersagaq atuuttoq assigaa.

Imm. 2-mut

Atuinissamut akuersissummik tunniussineq pisinnaavoq toqqaannartumik, tassani akuersissut pisinnaatitaanermik piginnittumit tunniunneqassaaq pisinnaatitaanermik piginnittumut allamut, imaluunniit toqqaannangitsumik, tassani akuersissut nammineq tunniunneqassanngilaq, kisianni pisinnaatitaanermik pigisaqartoq nammineq tunniussinermit pineqartuussasoq assersuutigalugu suliffeqarfimmik pisinikkut. Naalackersuisut akuersissummik nalunaaruteqarnermi atuinissamut akuersissummik tunniussisoqassappat tunniussinissamut atatillugu atugassarititaasunik aalajangersaasinnaapput.

Naalackersuisut tunniussinissamut siumoortumik akuersinissaminnut piumasaqaatitalinnik nalunaaruteqarsinnaapput. Siunertarineqarpoq atuinissamut akuersissutip pisinnaatitaanermut pigisaqartumit atorneqarsinnaanissaanut periarfissiinissaq, tassani suliniutip aningaasalerneqarnissaa anguniarlugu akuersissutip qularnaveeqqusiinermit ilaasutut atorneqarneratigut. Taamaalilluni aningaasaliisoq qularnaveeqquteqalissaaq erngup nukinganik suliniutip atuinissamullu akuersissutip tassunga atasup akuusut pingajuannut tunniunneqarsinnaanissaanut, pisinnaatitaanermut pigisaqartup nutaap Inatsisartut inatsisaat naapertorlugu piumasaqaatit taakkulu ataanni aalajangersakkat akuersissummullu piumasaqaatit malissappagit.

Imm. 3-mut

Erngup nukinganik isumalluutinik nukissiornissamut atuinissamut akuersissummik tunniussinermit imaluunniit taarsigassarsinermit sallunaveeqqusiinermit Naalackersuisut piginnaatinneqarlutik oqartussaapput Inatsisartut inatsisaannut naleqqiullugu aamma pilersarusiorneq nunaminertanillu atuneq pillugu Inatsisartut inatsisaannut naleqqiullugu. Taamaalilluni aalajangersakkami siunertarineqarpoq erngup nukinganik isumalluutinik nukissiornissamut atuinissamut akuersissummik tunniussinermit atatillugu nuussineq pisariillisassallugu.

§ 24-mut

Imm. 1-imut

Aallaavittut pisinnaatitaaffimmik pigisaqartoq ajoqusikkanut, suliffeqarfimmi sulianiluunniit akuersissummi pineqartuni piliarineqartunut taarsiinissamut maleruagassat nalinginnaasut malillugit taarsiisussaatitaavoq. Maleruagassatut aalajangersagaq pisinnaatitsissummik pigisaqartup taarsiisussaatitaanera sillimmasiissummik allatulluunniit qularnaveeqqusiissummik matussuserneqarsimanissaa pillugu akuersissummi

piumasaqartoqarsinnaanerani aalajangersaasoqarsinnaanngortitsivoq. Kingullertut taaneqartoq tassaasinnaavoq aningaaseriviup qularnaveeqqusiinera Naalackersuisut piumasaqaateqarnerannit akuersissutigineqartoq. Maleruagassatut aalajangersagaq aamma periarfissiivoq sillimmasiissummik allatulluunniit qularnaveeqqusiissummik matussuserneqarsimasumik ataqatigiissitsilluni piumasaqaatinik aalajangersaasoqarsinnaanerani. Sillimmasiissutinik matussusiinernik piumasaqaatit inatsisinik allanik tunngaveqartut, assersuutigalugu sulinermi ajoqusersimanermut inatsisinik, maleruagassatut aalajangersakkat imm. 2-miittut soqutiginaqit malinneqassapput. Maleruagassatut aalajangersagaq aamma sulii periarfisseeqqippoq pisinnaatitsiissummik pigisaqartup taarsiiffiginninnermi maleruagassat atuuttunit annertunerusunik sillimmasernissaanut piumasaqaatinik aalajangersaasoqarsinnaanerani. Tamatuma saniatigut maleruagassatut aalajangersagaq akuersissummi piumasaqaatinik aalajangersaasoqarsinnaanerani periarfissiivoq, tassa pisinnaatitsiissummik pigisaqartup akuersissummi piumasaqaatinik aalajangersimasunik naammassinnissimanissaa pillugu, sillimmasiissummik allatulluunniit qularnaveeqqusiissummik matussuserneqarsimassallutik.

Imm. 2-mut

Naalackersuisut taarsiinissamik akisussaaffiliinerit pillugit entreprenørinut, pilersuisunut kiisalu kiffartuussisunut aalajangersaasinnaapput sillimmasiissummik allatulluunniit qularnaveeqqusiissummik matussuserneqarsimanissaat pillugu, ingerlatsinermi suliaqarnermiluunniit Inatsisartut inatsisaat manna malillugu akuersissuteqarnermi taakkunanga kiffartuussinerit atorneqarpata. Tamanna erngup nukinganik akuersissut tunngavigalugu ingerlatsinerit suliaqarnerillu pisinnaatitsiissummik pigisaqartumut entreprenøritut sullissisunik suliarineqarajuttarnerat pissutigalugu pisariaqalersinnaammat.

§ 25-mut

Maleruagassatut aalajangersakkap pisinnaatitsiissummik pigisaqartup pisussaaffiitut tunngasup erngup nukinganik nukissiorfimmut susassaqqanngitsut iseqqusaannginnissaat qulakkeertussaavaa, ernup nukinganik inatsimmi atuuttumi § 24-mi maleruagassaq assigalugu. Maleruagassatut aalajangersagaq akuersissummik pigisaqartumut isersinnaanermik killilersuinissamik, ungallunik assigisaannillu pilersitsinissamik pisinnaatitaaffiliillunilu pisussaatsivoq ernup nukinganik nukissiorfimmut sumiiffimullu akuersissummut atasunut susassaqqanngitsut isersinnaannginnissaannik. Tamatumuunakkut siunertaavoq akuersissummik pigisaqartup sumiiffiit akuersissummut atasut inunnut ulorianartorsiorfitsinnaasut imaluunniit tamanik iserfigineqartariaqanngitsut assiaqusersorneqarnissaat. Maleruagassatut aalajangersagaq malillugu assersuutigalugu aqqusinermi assiaqusersuinerit, nunaminertanik ungalusaliornerit, sapsuornerit ikerasaliornerillu pisinnaapput. Pissutsit maleruagassatut aalajangersakkamut attuumassutillit

ersarissumik allassimassapput atuinissamillu suliassat aallartinneqannginneranni nunaminertanik tunineqarnermut uppernarsaammi ilaassallutik.

Iserinnaanermut killilersuinissamut ilanngullugu aamma nalinginnaasumik angallattoqarfiusinnaasut ilanngunneqarsinnaapput, tamatumunnga ilanngullugit piniarnerit nunaminertani atuinissamik akuersissutilinni, angallanneq sumiiffimmi taaneqartumi immikkut navianaateqarpat.

§ 26-mut

Maleruagassatut aalajangersagaq pinngitsaaliissummik taarsiissutitalimmik pigisanik piginnikkunnaarsitsinermit tunngasoq erngup nukinga pillugu inatsimmi atuuttumi § 25-mi maleruagassat assigaat. Tunngaviusumik inatsimmi § 73, imm. 1 malillugu pinngitsaaliissummik taarsiissutitalimmik pigisanik piginnikkunnaarsitsinermit piunasaqaataasut 3-upput. Siullermik pinngitsaaliissummik taarsiissutitalimmik pigisanik piginnikkunnaarsitsineq tamanut iluaqutaasussat eqqarsaatigalugit pisariaqartinneqarpat pisinnaavoq. Aappaatut pinngitsaaliissummik taarsiissutitalimmik pigisanik piginnikkunnaarsitsineq inatsisitigut tunngaviligaassaaq. Pingajuattut tamakkiisumik aningaasanik taarsiisoqassaaq.

”Tamanut iluaqutaasussanik” paasinninneq nunap inatsisitigut aaqqissugaaneranut tulluurtumik paasinnittaatsimut naapertuutissaaq. Maleruagassatut aalajangersagaq tunngavilivoq Inatsisartut inatsisaat manna malillugu akuersissummik tunineqarlutik ingerlatsisunut atatillugu pinngitsaaliissummik taarsiissutitalimmik pigisanik piginnikkunnaarsitsisoqarsinnaaneramik.

Inatsisini tunngaviusuni aalajangersagaq atorneqariaannaavoq. Tamanna isumaqarpoq eqqartuussiviit pisinnaatitsissummik pigisaqartup taarsigassarsinissaanik aalajangiisinnaasut, tunngaviusumik inatsimmi aalajangersakkat toqqaannartumik tunngavigalugit, pinngitsaaliissummik taarsiissutitalimmik pigisanik piginnikkunnaarsitsineq taamaallaat tamakkiisumik aningaasanik taarsigassarsinikkut pisinnaalluni. Pinngitsaaliissummik taarsiissutitalimmik pigisanik piginnikkunnaarsitsineq pinngitsaaliissummik taarsiissutitalimmik pigisanik piginnikkunnaarsitsineq pillugu Inatsisartut inatsisaat malillugu pissaaq, tamatumunnga ilanngullugit inatsisini maleruagassat Kalaallit Nunaannut atuuttut pinngitsaaliissummik taarsiissutitalimmik pigisanik nalilinnik piginnikkunnaarsitsinermit periutsimut tunngasut.

§ 27-mut

Maleruagassatut aalajangersakkap pineqaatissiissutaasinnaasunut tunngasortaata erngup nukingata nukissiornermut atorneqartarnera pillugu Inatsisartut inatsisaanni atuuttumi § 26-mi maleruagassamut oqaasertaliunneqartut aaqqissorneqarnerani allannguuteqartilaarlugit assigai.

§ 28-mut

Aningaasatigut iluanaaruteqartoqarsimappat Inatsisartut inatsisaannik taannalu malillugu peqqussutunik aalajangersarneqartunik unioqqutitsinermi maleruagassatut aalajangersagaq malillugu arsaarinnissuteqartoqarsinnaavoq. Arsaarinninneq Kalaallit Nunaanni pinerluttulerinermut inatsimmi aalajangersakkat malillugit pissaaq.

Imm. 2-mut

Maleruagassatut aalajangersakkap arsaarinnissuteqarnerup nunap karsianut iluaqutaanissaa qulakkiissavaa. . Arsaarinnissuteqarneq pillugu maleruagassatut aalajangersagaq erngup nukinganik inatsimmi atuuttumi § 27 assigaa.

§ 29-mut

Imm. 1 aamma 2-mut

Inatsisartut inatsisaat ulloq 1. januar 2019 atuutilerpoq, peqatigisaanik Inatsisartut inatsisaat nr. 11, 8. juni 2014-imeersoq atorunnaarsinneqarpoq. Inatsisartut inatsisaata atuutilernerani erngup nukinganik isumalluutunik misissueqqaarnissamut atuinissamulluunniit akuersissutaareersimasut, Inatsisartut inatsisaannut pineqartumut ilaasut, piffissami akuersissuteqarfiusumi atuutiinnassapput.

Imm. 3-mut

Manna tikillugu erngup nukinganik nukissiornermut atuinissamik akuersissutit tallimat tunniunneqarsimapput.

Erngup nukinga pillugu inatsit atuuttoq malillugu akuersissutunik tunniussisoqarsimannigilaq.